

Ireo Fanahy Mamitaka



Manao ahoana, ry sakaiza. Faly aho ny eto izao maraina izao, sy ny mahafantatra fa mahita anareo rehetra eto, mino fa miaraka amintsika ny Tompo androany, manome antsika aloka kely iray, mba tsy dia hafana loatra ato amin'ny tabernakla ho an'ny fotoana maraina. Ary ankehitriny isika . . .

² Mino aho, misy ankizy ve . . . Efa nalefa tany amin'ireo kilasiny ve ireo ankizy, Rahalahy Neville? Nahita ankizy kely sasantsasany aho. Manontany fotsiny aho raha efa nalefany ao ambadika ao ireo kilasy ao amin'ny—ao amin'ireo toerana hafa, ao amin'ny efity ny sekoly Alahadiny.

³ Ankehitriny, mivavaha ho ahy. Manana fanapahan-kevitra lehibe izay natao ho raisiko omaly hariva aho, ka tsy maintsy raisiko ilay izy androany. Ary aoka hivavaka ny fiangonana. Izaho dia manana ny—izaho dia manana ny fivoriana iray ho avy amin'ny manaraka, tena ao amin'ilay Rindrina Vy any Alemaina izany, ary noho izany dia fitandremana kely ilay izy. Ary mivavaha ho ahy. Ary noho izany, izany dia, afaka manomboka avy hatrany ao amin'ilay kianja fanaovam-baolina goavana ao Alemaina izahay, izay namboarin'i Hitler talohan'ny ady, toerana goavana tsara iray, mametraka olona valo alina. Ary afaka mahazo azy mandritry ny hariva folo izahay, mitohy. Ka noho izany dia manantena izahay ny hanomboka ao avy hatrany, ary avy eo ho any La Salle Lorraine, Frantsa, ny manaraka, avy eo any Berlin, dia miverina . . . Ny tiako ho lazaina dia, Berlin eo anelanelan'izany sy—sy Frantsa.

⁴ Avy eo dia miverina izahay, raha sitraky ny Tompo, ao amin'ny fivoriambe iray any Chicago. Manomboka, heveriko, ny fahadimy, fahenina, fahafito, fahavalo, ary fahasivy, ny anjarako any Chicago, an'ilay fivoriambe ao amin'ny—ny fiangonana Suedoise. Ary avy eo izy ireo dia, Atoa. Boze, ny sasany aminareo avy any amin'ny manodidina ny Chicago, dia manana fivoriambe iray izy ireo izay ho avy amin'ity manaraka ity . . . manomboka amin'ny voalohan'ny Aogositra, na ny voalohan'ny Septambra, izay ilay izy, any Suede. Ary tena faly aho ny mahafantatra fa nifidy ahy izy ireo, mba ho tonga, ka niraisana izany ary zato isan-jato. Faly aho ny amin'izany, saingy izaho dia tsy mandeha na any na eto ankehitriny. Mivavaha ianareo mba hitarihan'ny Tompo ahy marina fotsiny any amin'ny toerana izay hisy fanahy be indrindra hovonjena, ka ny tsara indrindra no aoka ho vita ho an'ny Fanjakan'Andriamanitra. Ankehitriny, dia manana fivoriambe izy ireo any, sy—sy ireo any Suede, ary nilaza izy fa

izahay dia hanana olona dimy arivo, dimy arivo sy telo alina eo am-panombohana, ao amin'ilay fivoriambe, ary maro amin'izy ireo no olona tsy voavonjy.

⁵ Ary avy eo any Alemaina, eny, dia manana kianja iray izy ireo izay mametraka valo alina. Mazava ho azy, izahay, tany Soisa izay vao avy nilaozanay, dia nanana fivoriana nahafinaritra izahay tany, ary maro aminareo angamba no tsy mbola nandre mihitsy. Nitahy anay tamin-kery ny Tompo, nanana dimy alina niova fo tao anatin'ny hariva dimy, tao—tao—tao Zurich, Soisa.

⁶ Ary noho izany, Rahalahy Jack Shuler, maro aminareo no mahafantatra azy, Metodista izy, zanak'i Bob Shuler antitra. Any Belfast izy ireo ankehitriny, ary—ary nilaza izy ireo fa eo am-panadiovana tanteraka an'ilay toerana, any, ho an'ny Filazantsara, sady lehibe lavitra mihitsy aza noho ny nananan'i Billy Graham tao amin'ny fivoriany. Jack dia tovolahy mahafinaritra iray, feno hafanam-po sy fitiavana. Ary izy—izy dia tena tso-po mihitsy amin'izany hany ka mino aho fa mpanompo lehibe iray an'ny Tompo izy. Ary mivavaha ho an-dRahalahy Shuler. Fa—fa misy an'i Jack Shuler, sy Jack MacArthur ihany koa izay miaraka aminy. Rahalahy Jack MacArthur dia mpitory teny lehibe iray, ihany koa. Ary nisy lehilahim-piangonana tany nilaza fa izany no fifohazana lehibe indrindra izay hany nandona an'i Irlande. Noho izany isika dia tena... Mandehana amin'ny vavaka isan'andro ho an'ireo—ho an'ireo lehilahy ireo. Samy lehilahy tanora izy ireo, latsaka, manodidina ny efapolo taona, heveriko, na latsaka, ireo fianakaviana sy ny sisa, ary mpampianatra Filazantsara matanjaka tsara, ary tianay izy ireo.

⁷ Ary ankehitriny, izaho—izaho dia mivavaka mba tsy hanadinoanareo ahy, mba, ary hamelan'Andriamanitra ahy handray an'ilay fanapahan-kevitra tsara izao ankehitriny izao. Misy ireo fotoana izay tsy ahafantaranareo hoe lâlana inona no hihodinana. Efa mba tao anatin'ireny toerana ireny ve ianareo? Mino aho fa tafiditra tao amin'izany toerana izany i Paoly indray mandeha, sa tsy izany izy? Teo anelanelan'ny fahasaratana anankiroa izany. Ary rehefa nandeha tany izy, nahoana, dia nahita anjely iray tao amin'ny fahitana izy niteny taminy hoe, "Mandehana mankany Makedonia." Noho izany dia mbola manana Ny Anjelyny foana ny Tompo, sa tsy izany Izy? Raha afaka ny ho manetry tena ao am-poko fotsiny aho mikasika an'izany tahaka an'i Paoly.

⁸ Ary ankehitriny, izao hariva izao, tsarovy ireo asan'ny Filazantsara eto amin'ny tabernakla, tongava ny rehetra. Ianareo manodidina an'i Louisville, tsy maintsy hiresaka ao amin'ilay Fiangonan'ny Varavarana Misokatra aho, izao hariva izao, mandritry ny ora vitsivitsy, amin'ny fito sy sasany ka hatramin'ny sivy sy sasany, ao amin-dry Rahalahy Cauble. Ho tonga eto indroa aho. Ary noho izany izy dia lehilahy tena

mahafinaritra, ary niantso izy. Fa i Rahalahy Cauble, izy dia tena lehilahy manaja mahafinaritra iray, rahalahy. Ianareo, azoko antoka fa mahalala tsara, tena rahalahy mahafinaritra, ka tsy afaka ny handà azy mihitsy tahaka an'izany. Mivavaha. Ambonin'ny zavatra rehetra, dia mivavaha, ary mivavaha mba hanomezan'Andriamanitra anay ny—ny fanapahan-kevitra tsara ho raisina.

⁹ Ankehitriny, alohan'ny hanombohantsika ny Hafatry ny Filazantsara, dia manana maraina iray isika izay tsy maintsy hanolorantsika ankizy kely. Ary manana ankizy kely iray aho eto mba hatolotra, ihany koa, ho an'ny Tompo. Ankehitriny, matetika ao amin'ny fiangonana maro. . .

Afaka mandre tsara ve ianareo, ery amin'ny farany aoriana? Raha afaka ianareo, mety tsara ve? Ireto fandefasan-drivotra eto ireto, izaho fotsiny, tsy afaka mandre ny tenanareo ianareo. Tsia, izany, mety tsara izany. Matahotra aho sao ho levona aho raha tsy misy azy.

¹⁰ Noho izany ireo—ireo ankizy kely, indraindray dia fafazany izy ireo, ao amin'ny fiangonana, raha tena mbola zaza bitika kely izy ireo. Ary, mazava ho azy, izany dia avy tamin'ny fiangonana Katolika, amin'ny fanaovana batemy an'ireo ankizy kely, na “manao batisa” araka ny iantsoany azy ireny raha mbola ankizy kely mihitsy izy ireo. Nanaiky an'izany ny fiangonana Metodista, ny amin'ny batisan-jazakely, ary maro, ary heveriko fa mbola misy marobe. Heveriko fa izany ilay fahasamihafana eo amin'ny Nazareana sy ny Metodista amin'ny fanao tranainy, dia ilay batisan-jazakely, ary avy eo dia nisy fitsitokoana kely sy ny sisa. Fa, na fomba inona na inona, izany dia tsy, tsy mihevitra aho fa misy dikany be loatra izany. Satria, na ahoana na ahoana, dia heveriko fa manoro mazava i Kalvary, tany mihitsy, ny amin'io rehetra io, satria maty teo Jesosy mba hamonjy an'ireo ankizy kely sy hamonjy an'izao tontolo izao.

¹¹ Ary ny ankizy kely iray, tsy mampaninona na karazana raiamandreny inona no ananany, mpanota toy ny ahoana, tsy manao fahasamihafana mihitsy izany, satria ny Ràn'i Jesosy Kristy no manadio azy, hitanareo, ary izany no Zanak'ondrin'Andriamanitra izay manaisotra ny fahotan'izao tontolo izao. Tsy afaka mibebaka io zazakely io. Tsy fantany hoe ahoana no fibebaka. Tsy nanana antony ho eto izy, avy aminy manokana. Izy tsy afaka miteny aminareo hoe nahoana izy no eto. Fa Andriamanitra no naniraka azy eto, ary ny Ràn'i Jesosy Kristy no manadio azy amin'ilay fotoana tena ahatangavany mihitsy eto amin'izao tontolo izao. Ary izany dia mandra-pahatongan'ilay taonan'ny andraikitra, amin'izay fotoana izay vao mahafantatra ny tsara sy ny ratsy izy, ary amin'izay fotoana izay ny ataony dia tsy maintsy mibebaka

izy ny amin'izay fantany fa nanaovany ratsy. Marina izany. Noho izany, ny sasany amin'izy ireny dia mamafy azy ireo, ary mihevitra fa tsy ho any An-danitra izy ireo.

¹² Ary misy fampianarana iray izay milaza fa raha teraka avy amin'ny raiamandreny feno ny Fanahy Masina ny zazakely iray, eny, dia ho any An-danitra ilay zazakely; fa, raha tsy izany, tsy misy intsony ny aminy, tsy misy intsony mihitsy ilay zazakely. Tena fahadisoana iray tanteraka izany. Inona no fahasamihafana ataon'izany raha raiamandreny feno ny Fanahy Masina ilay izy? Filàna ara-nofio io rehetra io, ary teraka tamin'izany fomba izany ny zazakely. Noho izany, io rehetra io dia “teraka tamin'ny ota, notorotoronina tamin'ny heloka, tonga teto amin'izao tontolo izao niteny lainga.” Izany, izany no teny ara-tSoratra ny amin'izany.

¹³ Noho izany, ary amin'izay fotoana izay dia ny Ràn'i Jesosy Kristy no manadio sy manao ny fanaovam-panavotana ho an'ilay ankizy. Raha maty izy, dia handeha tanteraka avy hatrany ao amin'ny Fanatrehan'Andriamanitra, na dia teraka avy tamin'ny raiamandreny mpanota indrindra eto amin'izao tontolo izao aza izy, mandra-pahatongany amin'ny taonan'ny andraikitra izay ahafantarany ny tsara sy ny ratsy. Ary avy eo ny ataony, manomboka eo, dia tsy maintsy ho voavela izy ny amin'izany. Tsy maintsy mangataka ny fibebahany manokana izy manomboka eo. Fa raha mbola zazakely iray izy . . .

¹⁴ Ankehitriny, ny fanao izay ezahantsika arahina, eto amin'ny tabernakla. Ity no toerana tokana eto amin'izao tontolo izao izay andehanako, itoriako Foto-pampianarana, dia eto amin'ny tabernakla, satria ity no fiangonantsika. Ary mitory Foto-pampianarana isika eto mba hihazona ny olona hahitsy. Ireo lehilahy hafa, ao amin'ny fiangonany, dia mitory izay inoany izy ireo. Ary rahalahiko izy ireo, ary mety ho samihafa kely izahay, saingy mbola mpirahalaha foana ihany izahay. Ary, fa ato amin'ny tabernakla, dia mitory izay heverinay fa Foto-pampianarana ara-tSoratra izahay. Ary, ao amin'izany, dia hitanay ny amin'ny fanoloran-jaza, izay antsoinay hoe fanolorana, ny fotoana tokana ao amin'ny Baiboly izay hitanay, na ao amin'ny Testamenta Vaovao izay nisy an'ireo ankizy izay tsy mbola nanana na inona na inona natao, na tsy nananan'i Kristy na inona na inona natao tao amin'izany tao amin'ny fotoam-pivavahana iray, dia, Noraisiny teny an-tSandriny izy ireny ary nametrahany ny Tànany ka nitso-drano azy ireny, ary nanao hoe, “Avelao ny ankizy madinika hanatona Ahy. Aza raràna izy ireny, fa an'ny toa azy ny Fanjakan'Andriamanitra.”

¹⁵ Ankehitriny, isika no navela, araka ny fahazoantsika, hanohy an'ilay asa izay Nahatongavany mba—mba ho tanterahina. Ny Fahafatesany teo Kalvary, dia niaraka tamintsika Izy ary Izy dia tonga avy...nivoaka avy

tamin'Andriamanitra, ho eto amin'izao tontolo izao, niverina tamin'Andriamanitra, na avy tamin'izao tontolo izao nankany amin'Andriamanitra, ary niverina indray tamin'ny endriky ny Fanahy Masina, ary miaraka amintsika, ao anatintsika, hatramin'ny fahataperan'izao tontolo izao, manatanteraka ao amin'Ny Fiangonany an'ilay asa iray ihany izay Nataony fony Izy tety an-tany. Ary, arak'izany, dia samy mitondra ny zanatsika isika, ho eo amin'ireo mpitoriteny, ka mivavaka ho azy izy ireo, mametraka ny tånany eo amin'izy ireo ary manolotra azy ireo ho an'Andriamanitra. Fotoam-pivavahana kely iray fotsiny mba hilazana fa mankasitraka an'izay nataon'ny Tompo tamintsika sy ireo ankizy madinika isika.

¹⁶ Ankehitriny, raha efa nofafazana ireo madinika kelinareo, na fomba inona na inona ilay izy tao amin'ny fiangonanareo, dia eritrereto. Tsy milaza zavatra anankiray manohitra an'izany izahay. Tsara izany. Saingy, ara-tSoratra, dia toerana tokana ihany no hitanay, izany dia teo amin'izay nitsofan'i Jesosy rano azy ireo, Izy tenany. Izany no hovakiako, raha sitraky ny Tompo, ao amin'ny—ao amin'ny Teny eto. Hitantsika, ao amin'ny Masindahy Lioka ny... Mino aho fa ny—ny toko faha-10 izany, ary manomboka amin'ny andininy faha-13.

Ary izy ireo nitondra an'ireo ankizy kely nankeo aminy, mba hikasihany azy ireny: fa ny mpianany niteny mafy an'ireo izay nitondra azy ireny.

Fa rehefa nahita an'izany Jesosy, dia tezitra izy, ka nanao taminy hoe, Avelao ny ankizy madinika hanatona ahy, ary aza raràna izy ireny: fa an'ny toa azy ny fanjakan'Andriamanitra.

Lazaiko aminareo marina tokoa, Na iza na iza no tsy handray ny fanjakan'Andriamanitra tahaka ny ankizy madinika iray, dia tsy ho tafiditra ao izy.

Ary nandray azy ireo teny an-tsandriny izy, ka nametraka ny tånany teo aminy, ary nitso-drano azy.

¹⁷ Maha-te-ho tia ve izany? Hoy Izy hoe, “Ankehitriny, avelao ny ankizy madinika hanatona Ahy. Aza raràna izy ireny, fa an'ny toa azy, tahaka an'ilay ankizy kely, ny Fanjakan'Andriamanitra.” Dia nandray azy teny an-tSandriny Izy ka nitso-drano azy.

¹⁸ Ankehitriny, toy ny ahoana no hitiavantsika, izao maraina izao, raha afaka ny hanana an'i Jesosy isika mipetraka, ilay olona mihitsy, eto amin'ny lampihazo, hanao hoe, “Tompo, hitso-drano ny zanako ve Ianao?” Oh, toy ny inona...ho an'ireo masontsika sy fontsika ara-nofo maniry mafy ny hahita an'izany. Fa eto Izy, na ahoana na ahoana, satria Izy no nanome antsika an'ilay fanirahana hanao an'izany. Ary, arakaraky ny anaovantsika, dia toy izany koa no Hanekeny. Raha mandray an'ireo izay Nirahiny isika, dia mandray an'Izay naniraka azy,

hitanareo. Noho izany, dia eto Izy izao maraina izao. Ary raha ho avy eo amin'ny piano i Ranabavy Gertie ka hitendry an'ilay hirantsika tranainy izay nohiraintsika taloha efa ela izay, dia ity, "Ento izy ireo, ento eo amin'i Jesosy ireo madinika kely." Mino aho fa ao anatin'ilay boky izany any ho any. Tsy azoko antoka. "Ento eo amin'i Jesosy ireo madinika kely." Ary raha manana zazakely iray ianareo, zaza kely iray izay tsy mbola voatolotra, ka tianareo ny hanolotra azy izao maraina izao, nahoana, ho faly izahay hanao an'izany.

¹⁹ Ary misy mpitoriteny ve ato amin'ny tranobe, ireo mpitory teny izay maniry hiakatra fotsiny ka hitsangana miaraka aminay eto raha manolotra an'ireto ankizy ireto ho an'ny Tompo izahay? Ho faly izahay ny hanana anareo, raha ho avy ianareo. Eny àry, ao anatin'ny boky ao ve ilay izy? Hitanao ve ilay izy, Rahalahy Neville? Tsy ao ilay izy. Eny àry, firy no mahay an'izany, *Ento Izy Ireo*? Eny àry, ndao isika hihira an'izany ankehitriny. Ny olona rehetra miaraka, raha mitondra an'ireo zazakeliny ireo reny. Eny àry. Eny àry.

. . . izy ireo, ento izy ireo,
Ento hiala amin'ireo sahan'ny ota izy ireo;
Ento izy ireo, ento izy ireo,
Ento eo amin'i Jesosy ireo mpirenireny.
Ento izy ireo, ento izy ireo,
Ento hiala amin'ireo sahan'ota izy ireo;
Ento izy ireo, ento izy ireo,
Ento eo amin'i Jesosy ireo madinika kely.

²⁰ Hanondrika ny lohantsika vetivety isika. Rainay An-danitra, mitsangana manodidina ny alitara izao maraina izao ireo reny sy ray mihazona an'ireo solofony kely eny an-tsandriny, izay Nomenao azy ireo tamim-pahasoavana. Tena mankasitraka izy ireo noho ny aminy, Tompo, ary mitondra azy miakatra eto amin'ny alitara izy ireo izao maraina izao, ao an-tranon'Andriamanitra, mba hanolotra azy ireo, hanome ny fiainan'izy ireo ho Anao. Ianao no nanome. Ary mivavaka izahay, Andriamanitra, mba Hamelomanao sy hitahianaon ny tsirairay avy amin'izy ireo. Tariho izy ireo, ary enga anie ireo Anjelin'Andriamanitra mpiambina hiambina ny tsirairay avy. Omeo fiainam-pahasambarana sy fifaliana lava izy ireo. Enga anie izy ireo hitombo ho lasa lehilahy sy vehivavin'Andriamanitra, an'ny ampitso, raha misy ampitso iray.

²¹ Andriamanitra, mivavaka izahay mba Hanangananao mpitory teny sy mpaminany ary mpampianatra avy amin'ity vondron-jazakely ity izay manodidina ny alitara izao maraina izao. Ary rehefa antitra izahay ka tsy afaka mandeha lavitra intsony, ka olona iray no tsy maintsy hitondra anay hitety toerana, dia enga anie izahay ho afaka hijoro sy handre ny Filazantsara torian'ireo izay eto androany. Ekeo izany, Tompo.

Ary amin'ny andro iray be voninahitra rehefa hifarana izany rehetra izany, tapitra ny fiainanay, ireto raiamandreny manodidina ny alitara ireto, enga anie izahay ho tahaka an'i Jakoba fahiny rehefa nitso-drano an'ireo zanany rehetra izy ka niteny tamin'izy ireo hoe ho inona ny hiafaran'izy ireo amin'ny andro farany. Avy eo raha niandrandra izy, dia nanao hoe, "Fantatrarao, tsy maintsy hangonina miaraka amin'ny oloko aho." Ary amin'ny andro be voninahitra iray, izy sy ireo solofony rehetra, dia tsy maintsy hangonina miaraka ao amin'ny tany tsara iray. Tsy mahagaga raha hoy i Balama hoe, "Aoka ny fiafarako farany hitovy amin'ny azy." Andriamanitra, mivavaka aho mba Hanekenao an'ireo fitahiana ireo ho eo amin'ireto raiamandreny.

²² Ary ankehitriny raha hametra-tànana eo amin'izy ireo izahay, toy ny inona—mahafinaritra iray toy ny inona... Ary ankehitriny dia manetry tena toy ny ahoana no Nanaovanao an'izany, Tompo, hoe izahay olon'ity tany ity no hanana tombontsoa hitso-drano ankizy kely amin'Ny Anaranao, mahafantatra an'izao, hoe, izay angatahanay, dia ekena ho anay. Raha handeha hitso-drano azy ireo izahay, dia enga anie Jesosy, ilay Olona tsy hita maso, ilay Tokana faratampon'ny hery hitsangana akaiky ka hitso-drano ny ankizy tsirairay avy raha mametraka ny tnananay eo amin'izy ireo izahay ary manolotra azy ireo ho Azy. Fa mangataka an'izany amin'Ny Anarany izahay. Amena.

²³ Rahalahy Glenn Funk, manana ny zanany kely anankitelo hatolotra ny Tompo izy.

[Elanelana tsy voaraki-peo. Manolotra an'ireo zazakely Rahalahy Branham—Mpand.]

... ilay—ilay efitrano kely iray, tany lavitra tany amin'ny firenena avaratra, no Nampanantenanao ahy an'ity zaza ity. Ray, enga anie hitoetra eo aminy ireo Fitahiana.

Joseph, ry zanakolahy, omeko an'Andriamanitra ianao. Ary enga anie ny fiainanao ho fitahiana iray. Enga anie ianao ho mpaminany iray, ry Joseph. Enga anie ny fahasoavan'Andriamanitra hitoetra miaraka aminao. Enga anie ilay Andriamanitry ny rainao, ny Tompo Jesosy Kristy, hitahy anao mandrakariva, hanao ny fiainanao ho fitahiana iray ho an'ny hafa.

Amin'ny Anaran'i Jesosy Kristy, no hitsofako rano azy. Amena.

[Elanelana tsy voaraki-peo. Manolotra an'ireo zazakely Rahalahy Branham—Mpand.]

²⁴ Tianareo ve ireo ankizy kely? Misy zavatra iray mikasika an'ireo ankizy kely izay ilain'ny reny tsirairay ny zanany ho voatahy.

Ankehitriny, mitovy amin'izay koa ny Raintsika An-danitra ny amintsika lehibe izao maraina izao. Tiany ho voatahy ny tsirairay avy amintsika. Mampiseho zavatra iray eo anatrehantsika Izy, manolotra fotsiny an'izany ho antsika, toy ny manao hoe, “Iny, Tiako ho voatahy ianao, ry Zanako.” Tsy mahafinaritra ve Izy? Noho izany dia afaka mankasitraka Ray An-danitra tsara iray tahaka an'izany isika.

²⁵ Ankehitriny, ao amin'ireo fitsofan-drano an'ireo zaza kely, fantatrareo, namaky fotsiny tato amin'ity Soratra eto ity aho indray andro, teto tany ho any, tao amin'ny Testamenta Taloha izany, fa ny—ny zavatra lehibe iray izay izaho—izaho dia nankasitraka tokoa teo am-pamakiana. Ity ilay izy, eto mihitsy. “Ary hoy Natanaela tamin'i Davida hoe, ‘Ataovy izay rehetra ao am-ponao, fa momba anao Andriamanitra.’” Hitanareo? Ataovy izay ao am-ponao. Ary matetika aho—aho no nahita an'izany, ry sakaiza Kristiana, hoe niteny zavatra aho ka tsy nahafantatra izay ho lazaiko, nefa mahita fa hiseho ilay izy. Izay lazainareo!

²⁶ Voalaza indray mandeha, nidina avy teny an-tendrombohitra Jesosy ary nahita hazo iray Izy izay tsy nisy na inona na inona teo aminy, ravina fotsiny ihany, fa tsy nisy voa, dia hoy Izy hoe, “Tsy hisy olona hihinana avy aminao manomboka izao.”

²⁷ Ary ny ampitso, teo am-pandalovana, dia hitan'ireo apostoly fa nalaza ireo ravina. Hoy izy hoe, “Indro toy ny ahoana no nampalazo haingana an'ilay hazo.”

²⁸ Hoy Jesosy hoe, “Manàna finoana an'Andriamanitra; fa na inona na inona zavatra irianareo, rehefa mivavaka ianareo, minoa fa efa voarainareo izany dia ho azonareo. Ary izay zavatra rehetra lazainareo, dia ho azonareo izay lazainareo.” Eritrereto izany. Oh! Ary angamba androany, ilay Fanahy Masin'Andriamanitra lehibe, mijoro eto amin'ny alitara, hilaza ianareo... Eny, tsy mila ravahana izany. Tsy mila toerana lehibe iray voakaly tsara izany.

²⁹ Nanongotra vato iray Jakoba indray mandeha ary nametraka ny lohany teo ambonin'izany, ary mbola fantatra foana izany androany ho Vatôn'i Scone. Na, Vatôn'i Scone, ka ireo lehilahy malaza eto an-tany dia mbola mitondra an'io vato io foana hatrany, hanokanana an'ireo mpanjaka eo an-tampon'io vato io, vato tranainy mahazatra iray fotsiny izay mipetraka eny amin'ny saha iray.

Betela dia antontam-bato iray fotsiny mipetraka eo ambonin'ny hafa anankiray, ary lasa tranon'Andriamanitra izany, ilay toeram-ponenana. Hoy Jakoba hoe, “Tsy hafa ity fa tranon'Andriamanitra.” Antontam-bato iray fotsiny mipetraka eo an-tampon'ny hafa anankiray.

³⁰ Tsy mila an'ireo zavatra lehibe voakaly tsara izany. Mila fahatsorana sy finoana mba hinoana izany, izany no ilainy. Izany no manao azy.

³¹ Ankehitriny, mahafantatra fa mandeha haingana ny fotoana, dia hiezaka izahay ny tsy hitazona anareo ela loatra, mahafantatra fa mafana ny andro ary hipoka ny fiangonana. Noho izany dia hiresaka aminareo fotoana fohy fotsiny aho izao maraina izao, eo amin'ny lohahevitra kely iray eto izay mety. . . Mahatoky aho fa ho fanampiana iray ho anareo izany. Ary ankehitriny aho, talohan'ny nialana tany an-trano, dia nandray naoty zavatra kely telo na efatra aho. Hoy aho hoe, "Hiandry aho ary hahita izay asain'ny Tompo ho resahako rehefa tonga any aho." Nandray naoty zavatra eo amin'ny enina eo aho eto, lohahevitra kely, ary nanoratra anankiray aho, nametraka azy tao anaty paosiko tahaka an'izao. Nieritreritra aho hoe, "Eny, rehefa tonga eo amin'ny polipitra aho angamba dia hiteny zavatra iray amiko ho resahana Izy." Ankehitriny aho dia tsy mihoatra lavitra noho izaho tany. Noho izany, na ahoana na ahoana, dia hamaky Soratra iray aho eto, hanampy antsika anie ny Tompo hahazo an'Izany. Ny toko faha-14-n'ny Masindahy Lioka, ary ndao isika hanomboka eo amin'ny telopolo- . . . ny andininy faha-31-n'ny toko faha-14-n'ny Masindahy Lioka.

Ary mpanjaka iza, raha handeha hiady amin'ny mpanjaka hafa, no tsy mipetraka aloha, ka hifampidinika raha toa izy ka mahay mitondra iray alina hihaona amin'ilay tonga hanohitra azy miaraka amin'ny roa alina?

Fa raha tsy izany, raha mbola izy aza no . . . na dia mbola lavitra be aza izy, dia haniraka mialoha mpitondra teny iray izy, ka haniry fepetram-pihavanana.

Dia toy izany koa, na iza na iza aminareo . . .

³² Tiako ianareo hahamarika tsara. Ankehitriny, voalohany dia nilaza Izy. . . Fanoharana iray ilay izy. Hoy Izy hoe, "Ankehitriny, hisy mpanjaka iray ho avy, ary manana miaramila roa alina izy; ary ity mpanjaka ity dia handeha hihaona aminy, ary miaramila iray alina fotsiny no ananany. Noho izany àry, ny voalohany, dia mipetraka izy ary manontany raha vonona izy, na mety ho vitany izany na tsia." Eny àry.

. . . aminareo no tsy mahafoy izay rehetra ananany, dia tsy afaka ny ho mpianatro. (Hitanareo?)

³³ Ankehitriny dia enga anie ny Tompo hanampy ny Fitahiany amin'ity Teny ity. Ankehitriny dia hanondrika ny lohantsika vetivety fotsiny isika.

³⁴ Rainay An-danitra, Ianao Izay mahafantatra ny zavatra rehetra, ka tsy mijery izay maha-olona ny olona, fa inona moa ny olona no Hahatsiarovanao azy? Ianao no nanao ny olona, ary tahaka ny voninkazon'ny saha fotsiny izy: androany izy tsara tarehy, rahampitso izy tapahina, ariana any am-patana,

ary malazo izy. Ary mivavaka Aminao aho, Andriamanitra, mba hamindra fo aminay androany ka hamela ny tsirairay avy hanao jery todika androany. Eto izahay toy ny ao an-tranon'ny fanitsiana. Eto izahay mba hianatra sy hahafantatra hoe ahoana no fiaina, ary aoka hivoaka avy ao amin'Ny Teninao izany androany, O Andriamanitra Mandrakizay. Maro amin'ireo Zanakao no miangona ato, ary maro amin'izy ireo no efa Zanakao nandritry ny taona maro, saingy, amin'ny maha-izany, dia miverina ao an-tranon'Andriamanitra izahay, mba hianatra, mba hahafantatra. Ary izaho, Mpanomponao, dia maniry ny hahafantatra betsaka ny Aminao. Ary mivavaka aho mba Hitondranao ny tsindrimandrin'ny Filazantsara ho eo aminay rehetra, eo amin'ny Mpanomponao, ka Ny Fanatrehanao, izay manindrimandry anay manerana an'ity tranobe ity, anie ho tena lehibe androany, mba hialanay, ao amin'ny fonay, haniry ny ho mpanompo tsaratsara kokoa ho Anao, mba ho tombony ho anay ny ho eto. O Andriamanitra mpamindra fo, ekeo ireo fitahiana ireo amin'ny Anaran'i Jesosy, Ilay Zanakao. Amena.

³⁵ Ankehitriny enga anie ny Tompo hanampy ny Fitahiany amin'ny Teny raha mamaky isika. Tiako ny haka lohateny iray izao maraina izao, hoe, "Ireo fanahy mamitaka sa ny Tenin'Andriamanitra?" Ankehitriny, lohahevitra hafahafa iray raha ny marina, saingy satria ato amin'ny tabernakla... Ary tamin'ny Alarobia hariva lasa... Alahady maraina lasa dia niresaka aho teo amin'ny—ny jobily kelin'ny Filazantsara.

³⁶ Ary tamin'ny Alarobia hariva lasa dia nitory aho teo amin'ny vehivavy iray izay nanana an'ilay—ilay vakana teo amin'ny lohany, na ilay... Veriny ny iray tamin'ireo farantsakeliny, ary namafa ny trano izy ka niezaka ny hahita azy alohan'ny hahatongavan'ny vadiny. Ary hitantsika fa io vehivavy io dia karazana vehivavy tatsinanana iray, ary izy... ary naneho ny Fiangonana. Ary ny fehim-panambadiana taloha dia tsy entina eny amin'ny rantsan-tànana. Nentina nihantona nanodidina ny loha izany, niaraka tamin'ny farantsakely volafotsy sivy ao anatin'ny. Ary rehefa lasa mpivarotena ny vehivavy iray, dia esorin'izy ireo ny farantsakely volafotsy anankiray ary asehony fa mpivarotena iray izy. Ary noho izany dia verin'ity vehivavy ity ny iray tamin'ireo farantsakely, fa tsy mpivarotena iray. Fa lasa lavitra ny vadiny, ary niezaka haingana izy ny hahita an'io farantsakely io, mba hamerina azy eo amin'ilay vakany, satria rehefa tonga ny vadiny dia ho fantany fa tratra tao anatin'ny fijangajangana izy, ary izany dia hidika ho faharavan'ny tokantrano sy ny sisa. Ary nampihariko tamin'ny fiangonana nandritry ny fotoana vitsy izany, izay nahavery an'ireo zava-dehibe maro. Ary izao no fotoana izay hahatongavan'ny Ray, noho izany dia tsy maintsy mitady azy ireny isika. Ankehitriny, fantatra fa ao amin'ny fiangonana, sy ny tabernaklantsika...

³⁷ Ary izaho—izaho dia te-hiresaka eo amin'ireo *Fanahy Mamitaka*, izay homena titra tokoa hoe *Demonolojia*. Mandre betsaka ny amin'ireo demony ianareo, an'izao andro izao, saingy tena kely no renareo ny amin'ny hoe ahoana no ialàna amin'izany. Isika rehetra dia—dia mahafantatra tsara fa misy ireo devoly, saingy, ny zavatra manaraka dia, ahoana no ialàna amin'io zavatra io. Ary ankehitriny dia misy... Manana, noho ny fahasovan'Andriamanitra, ny fanararaotra betsaka aho mikasika an'ireny zavatra antsoina hoe demony ireny, ary nifanehitra tamin'izy ireny teo amin'ny lampihazo sy teo amin'ny diako isan'andro, ary, nahoana, tiako ny hijery ao amin'ny Soratra izao maraina izao ka hahita marina hoe inona ireny zavatra ireny.

³⁸ Ankehitriny, nampiharintsika tao amin'ny asam-panasitranana izany, teo amin'ny lafiny fanasitranana foana. Ny homamiadana, fivontosana, kira-maso, raboka, ireo zavatra rehetra ireo dia tsy zavatra ara-boajanahary, ivelan'ny voajanahary izy ireo ary demony. Manamarina an'izany mazava ny Soratra. Fa izany dia demony ao amin'ny vatana, miaraka amin'ny fivontosana, tahaka ny homamiadana, misy aina ao anatin'ny, ary ny ain'izany dia demony iray. Fivontosan'ny kira-maso iray, ny fihanaky ny raboka, sy ireo aretina hafa, demony izany. Ao amin'ny endrika ara-batana izany.

³⁹ Ankehitriny, izao maraina izao isika dia hiresaka—hiresaka mikasika an'ireo demony ao amin'ny endrika ara-panahy ao amin'ny fanahy. Ao amin'ny fanahy izy ireo mitovy amin'izy ireo ao amin'ny vatana. Ary isika dia tena manaiky fa mahita azy ireny ao amin'ny vatan'ny olona, toy ny homamiadana sy—sy ireo aretina samihafa izay ao amin'ny vatan'olombelona.

⁴⁰ Vao tsy ela mihitsy izay, na ny homamiadana aza dia nambara ho aretina iray amin'ny faritra fahefatra, hoe ao amin'ny faritra hafa iray izany. Azo antoka, ny demonolojia izany. Ny aretina rehetra dia aretin'ny faritra fahefatra, ny fanombohan'izany.

⁴¹ Ankehitriny, fa ankehitriny ny homamiadana ao amin'ny vatana na ny homamiadana ao amin'ny fanahy, dia afaka miditra ao amin'ireo toerana ireo ny demony. Ankehitriny, misy matetika ary olona maro miaraka amin'ny fisainana tsara fa... ary olona tsara izay miezaka matetika ny—ny hijanona eo ambonin'ny teolojia iray izay ananan'izy ireo, na zavatra izay nampianarina azy ireo hatramin'ny fahazazany, nefa mbola mahita foana fa ao anatin'ny vatan'izy ireo, ao anatin'ny fanahin'izy ireo, dia mbola manana zavatra izay tsy mety foana izy ireo. Ianareo, maro eto izao maraina izao, tsy isalasalana fa na aiza na aiza ahitanareo Kristiana miangona miaraka, dia mahita olona ianareo izay manana an'ireo fanahy ireo ao anatin'ny, hoe izy ireo... Tsy niriana izany. Tsy ilain'izy ireo izy ireny. Hoy izy ireo hoe, "Oh, raha mba afaka miala

amin'ny lainga fotsiny mantsy aho! Raha mba afaka miala amin'ny fitsiriritana fotsiny mantsy aho! Raha mba afaka miala amin'ity fotsiny mantsy aho na *itsy!*" Ankehitriny, ny devoly izany. Ary, ankehitriny, tonga amin'ny endrika fivavahana izy ireny, matetika. (Satria sekoly Alahady izao, fotoan'ny fampianarana izao, noho izany dia ndao isika handinika an'ity.) Ankehitriny, miditra amin'ny endrika fivavahana izy ireny, matetika.

⁴² Ankehitriny, ao amin'ny Soratra, indray mandeha, dia nisy lehilahy iray amin'ny anarana hoe Josafata, lehilahy malaza iray, lehilahy mpivavaka iray. Ary nandeha nankeo amin'ny mpanjaka hafa iray izy izay mpanjakan'ny—ny Isiraely. Ary izy, Josafata, no mpanjakan'i Joda. Dia nankany amin'i Ahaba izy, ilay mpanjakan'ny Isiraely, ka nifamatotra niaraka tanteraka izy rehetra, sady nifanao fanekena iray, mba handeha hiady any Ramota Gileada. Ary nataon'izy ireo izany nefa tsy nivavaka aloha.

⁴³ Oh, raha mba afaka mahafantatra fotsiny mantsy ny olona! Izany no antony ahatongavako izao maraina izao ka nangataka taminareo mba hahatsiaro ahy raha mandeha any ampitan-dranomasina aho. Amin'ny zavatra rehetra, mivavaha!

Nisy olona tonga indray andro ka nanao hoe, "Rahalahy Branham, mihevitra ve ianao fa ratsy ny manao zavatra tahaka an'izao?"

⁴⁴ Hoy aho hoe, "Nahoana ianao no manontany mikasika an'izany?" Hitanareo? Raha misy fanontaniana iray ao amin'ny sainareo, avelao ilay izy, aza manao an'ilay izy mihitsy. Mijanona fotsiny miaraka amin'izany. Rehefa manomboka manao zavatra anankiray ianareo, ka misy fanontaniana iray na tsara ilay izy na ratsy, dia ialao lavitra izany. Aza miditra amin'izany mihitsy, amin'izay fotoana izay dia ho fantatrareo fa marina ny anareo.

⁴⁵ Ankehitriny, ny zavatra rehetra dia tokony ho dinihana am-pivavahana tanteraka, aloha. "Katsaho aloha ny Fanjakan'Andriamanitra sy ny Fahamarinany, dia hanampy anareo ny zavatra rehetra." Tena azoko antoka izao maraina izao, fa raha ny lehilahy sy ny vehivavy no mba afaka fotsiny ny ho tonga eo amin'ilay toerana izay ny fanahiny, ny eritreriny, ny toetrany, ho tanteraka eo imason'Andriamanitra, dia izany no ho anankiray amin'ireo fiangonana matanjaka indrindra izay hany nisy.

⁴⁶ Diniho mandritry ny fotoana fohy fotsiny ilay ara-batana. Ankehitriny, isika dia, manana, matetika, manana nandritry ny taona maro, isika dia manana an'ilay antsointsika hoe "fitiliana lainga." Afaka mametraka azy eo amin'ny sandrinareo ianareo, mametaka azy manodidina ny—ny lohan'izy ireo, ary afaka miditra any ianareo ka miezaka ny tsara indrindra

anareo mba hanao lainga iray haneno toy ny fahamarinana, fa hanoratra negatifa foana izany, satria tsy natao handainga ny olombelona. Ny mandainga dia zavatra mamitaka, sarotra, zavatra ratsy. Aleoko manana mpimamo iray miaraka amiko, amin'ny andro rehetra, toy izay mpandainga iray. Hitanareo? Mpandainga iray! Ary tsy natao handainga ny vatanareo. Tsy mampaninona na mpanota toy ny ahoana aza ianareo, mbola zanakalahin'Andriamanitra lavo foana ianareo. Ny olona mpanota indrindra eto amin'ity tanàna ity androany, tsy nikasa anareo ho mpanota Andriamanitra. Tiany ianareo ho zanakalahy na zanakavavy ho Azy. Natao tao amin'ny Endriny Manokana ianareo. Saingy ny fahotana no nahatonga anareo hanao an'izany. Ary tsy mampaninona na impiry ianareo no miezaka ny haka tahaka sy hiezaka ny hanao ny lainga ho toy ny marina, manana fitaovana siantifika iray izy ireo izay manaporofa fa diso ilay izy. Afaka miteny an'ilay izy amin'ny tsy fananan-tsiny rehetra izay tianareo ianareo, fa hanoratra negatifa foana izany; satria misy amparahatoka iray ao anatin'ny vatan'olombelona, ary io amparahatoka io dia mahafantatra hoe inona no fahamarinana. Ary tsy mampaninona izay ho lazainareo eto, fa io amparahatoka io dia mahafantatra fa lainga ilay izy, ary izy dia hanoratra ny avy ao amin'ilay amparahatoka.

⁴⁷ Noho izany, raha ny lehilahy iray na vehivavy iray no mba afaka mitondra ny fisainany, sy ireo filazany ary ireo fiainany hahitsy tanteraka miaraka amin'Andriamanitra (amena) mandra-pahatongan'ilay fantson'ny Fanahy Masina ho iray tanteraka amin'Andriamanitra, dia inona no hiseho! Raha ny lehilahy sy vehivavy no mba afaka ny hahitsy, izay miaraka amin'ny fahalalahana avy ao am-pony, miaraka amin'ny finoana avy ao amin'ny lalina indrindra!

⁴⁸ Maro ny olona manatona ny alitara mba hivavahana, manana finoana ara-tsaina izy ireo. Miaiky ny fahotany izy ireo ary mikambana amin'ny fiangonana iray, amin'ny alàlan'ny finoana ara-tsaina. Izy ireo dia mino ao amin'ny—amin'ny sainy. Mino an'izany izy ireo satria ren'izy ireo izany. Mino an'izany izy ireo satria fantany fa izany no fomba tsara indrindra. Saingy tsy izany no jeren'Andriamanitra. Tsy mijery ny finoana ara-tsainareo Izy.

⁴⁹ Mijery ny fo Izy, izay ao anatin'ny Andriamanitra... Ary rehefa avy ao amin'ny fo ilay izy, dia azo atao ny zavatra rehetra amin'izay fotoana izay. Mifanaraka tsara amin'ny fiaikenareo ny fiainanareo. Ny fiainanareo dia miteny mafy noho ny fiaikenareo.

⁵⁰ Fa rehefa milaza zavatra anankiray ny fiaikenareo, nefa ny fiainanareo miaina hafa iray, dia misy zavatra tsy mety any ho any. Izany dia satria manana finoana ara-tsaina iray ianareo, fa tsy finoana iray avy ao amin'ny fonareo. Ary izany no maneho

fa ny ety ivelany, *eto*, dia fahalalana an'Andriamanitra; fa ny ato anatin'ny, *eto*, dia demony iray mpisalasala. “Mino ny fanasitranana avy amin'Andriamanitra aho, saingy tsy ho ahy izany.” Hitanareo? “Ah, mety ho izany ilay izy, saingy tsy mino an'izany aho.” Azonareo ve ilay izy? Ety ivelany, hoy ianareo hoe “eny”; ato anatin'ny, ny fieritreretana manao hoe “tsia.” Io zavatra siantifika iray io ihany no hanaporofa fa tsy izany ilay marina, hanaporofa an'izany.

⁵¹ Mariho rehefa ireo mpanjaka ireo, talohan'ny nanombohan'izy ireo, izy ireo dia tokony ho nanana... Talohan'ny nanaovan'i Josafata fanekena iray mihitsy niaraka tamin'i Ahaba, dia tokony ho niteny izy aloha hoe, “Ndao isika hivaoka dia hahita hoe inona no sitrapon'ny Tompo.”

⁵² Omeo mpitory teny iray aho, omeo Kristiana iray aho, omeo mpikarakara tokantrano iray izay Kristiana aho, omeo mpiompy iray aho, na mpiasan'ny orinasa iray, izay hametraka an'Andriamanitra aloha ao amin'ny zavatra rehetra, dia hasehoko anareo ny lehilahy iray izay ho fahombiazana na dia eo aza izay rehetra azon'ny Devoly apetraka eo aminy. Mikatsaka an'Andriamanitra izy, aloha. Izy dia tsy maintsy manana aloha...

⁵³ Saingy tsy nanao an'izany izy ireo. Voasaron-drahona daholo izy rehetra satria nanana fanjakana lehibe iray namiratra i Ahaba, ary nahavita betsaka an'ireo zavatra manantolo izy, sady nanana an'ireo haingony malaza, ny volamenany sy ny volafotsiny, lasa lehilahy iray nalaza, nahomby, kanefa tsy mpino iray.

⁵⁴ Ary eo no misy an'izao tontolo izao amin'izao andro izao. Eo no ijoroan'i Amerika amin'izao andro izao. Eo no ijoroan'ireo fiangonana amin'izao andro izao. Nanorina ny anankiray tamin'ireo fiangonana tsara indrindra izay hany naorina isika. Nanana ny anankiray tamin'ireo mahay mamiratra indrindra izay hany nananantsika isika. Nampianarina ny anankiray tamin'ny teolojia tsara indrindra isika, sy ny sisa, ary nianatra nihira tahaka ny Anjely, kanefa dia misy fahalemena iray any ho any. Misy fahalemena iray, satria nanaraka foto-pampianaran'olona sy ireo fanahy mamitaka izy ireo, raha tokony ho niverina tamin'ny Tenin'Andriamanitra. Miezaka ny manao zavatra hitovy modely amin'izao tontolo izao izy ireo. Niezaka ny nametraka hazavana mamiratra eo ambonin'izany izy ireo, tahaka ny Hollywood.

⁵⁵ Teto indray andro, anaram-piangonana fanta-daza iray, ilay sokajin'ny Full Gospel ao Kansas City, na, miala tsiny aminareo aho, ao Denver, tao amin'ilay fivoriambe, dia manorina fiangonana iray an-tapitrisany dolara. Nefa dia misionera an'arivony no miandry dimampolo cents avy amin'io

anaram-piangonana io ihany, mba hitondrana ny Filazantsara any amin'ny mpanompo sampy. Ny ilaintsika amin'izao andro izao dia tonga saina iray, nirahin'Andriamanitra, fifohazana nateraky ny Fanahy Masina, izay hanana ny hafanam-pon'Andriamanitra, mba hitsofoka any anaty ala any ary hanao zavatra ho an'Andriamanitra, raha tokony hanorina fiangonana goavana, tsara ka miezaka ny hihoatra an'ilay mpiara-monina.

⁵⁶ Aleoko manompo ao amin'ny iraka iray, izay misy fanadiovana, na trano fisotroana iray, nefa manana ny fahalalahan'ny Fanahy Masina sy ny fitiavan'Andriamanitra mirehitra ao anatin'ny fo, noho ny mipetraka ao amin'ny katedraly lehibe indrindra izay ananantsika eto amin'izao tontolo izao ka ho voageja miaraka amin'ireo foto-pampianaran'olona sy dogma. Ny ilaintsika amin'izao andro izao dia fifohazana manozongozona iray, miverina any amin'ny Fahamarinana, miverina amin'ny Tenin'Andriamanitra indray.

⁵⁷ Ankehitriny, rehefa nandeha tany izy ireo, ary afaka kelikely dia nahatsiaro tena kely i Josafata ka nanao hoe, "Tsy misy ve...Eny, ndao isika hanontany ny Tompo mikasika an'izany."

⁵⁸ Hoy izy hoe, "Eny àry," hoy Ahaba, ary naniraka izy ka naka zato, mpitory teny efajato tsara hofana. Ary nentiny teo izy ireo ka nanao hoe, "Mpaminany ireo rehetra ireo."

⁵⁹ Ary noho izany dia niditra tao amin'ny mosaviny izy ireo, ary nanomboka niantso. Dia hoy izy ireo hoe, "Eny, mandehana miakatra am-piadanana ianao. Momba anao ny Tompo."

⁶⁰ Ary tamin'izay fotoana izay rehefa avy nanome ny fanambarany ireo efajato ireo hoe tokony hiakatra am-piadanana izy ireo, kanefa i Josafata dia nahafantatra... Azonareo ve ilay izy? Hitanareo, tao anatin'ny fon'io lehilahy marina io dia nisy zavatra niteny taminy fa misy zavatra tsy mihodina tsara any ho any. Misy zavatra tsy mety.

⁶¹ Hoy Ahaba hoe, "Ankehitriny manana efajato isika eto, ary miray saina, ny tsirairay avy amin'izy ireo dia manao hoe, 'Mandehana, momba anao ny Tompo.'"

Fa hoy Josafata hoe, "Tsy mbola manana anankiray amboniny ve ianao?"

⁶² Hoy izy hoe, "Eny, inona no ilantsika anankiray amboniny, rehefa avy nanana efajato avy amin'ireo lehilahy nianatra indrindra eto amin'ny firenena isika? Izy rehetra dia manao hoe 'Mandehana!'" Izany ilay ara-tsaina. Saingy tao anatin'ny fon'i Josafata dia fantany fa nisy zavatra tsy nety tao. Ankehitriny, hoy izy hoe, "Mbola manana anankiray amboniny izahay, Mikaia izany. Saingy halako izy." Hoy izy, "Milaza

zavatra ratsy foana izy, ary mivatravatra nefa tsy misy antony anaovany an'izany, ary manambany ny fiangonana sy ny sisa izy.” Hoy izy, “Halako izy.”

Hoy izy, “Mandehana, alaivo, dia ndao ho hitantsika izay ho lazainy.”

⁶³ Ary rehefa tonga i Mikaia, dia hoy izy . . . Hoy izy ireo hoe, “Ankehitriny, jereo, mitenena ianao an'ilay zavatra mitovy amin'ny sisa amin'izy ireo.”

⁶⁴ Hoy izy hoe, hoy izy hoe, “Izaho fotsiny dia . . .” Ity ilay izy. “Izaho dia hilaza fotsiny an'izay lazain'Andriamanitra.” Amena. “Tsy mampaninona izay lazain'ny mpaminaninareo, sy izay lazain'ity, sy izay lazain'ny fiangonareo, ary izay lazain'izy ireo. Hilaza an'izay lazain'Andriamanitra aho. Andriamanitra no hametraka eo amin'ny molotro ary hilaza an'izay Lazainy aho.” Ny ilaintsika amin'izao andro izao dia Mikaia betsaka izay hilaza an'izay nolazain'Andriamanitra. Mariho, noho izany dia nentin'izy ireo teo izy, ary hoy izy hoe, “Omeo ahy ny anio alina.” Noho izany dia nihaona tamin'ny Tompo tamin'io alina io, ary niverina izy ny ampitso maraina. Rehefa nipetraka teo amin'ny vavahady ireo mpanjaka roa ireo, dia hoy izy hoe, “Mandehana miakatra.” Hoy izy, “Mandehana miakatra. Saingy,” hoy izy, “nahita ny Isiraely tahaka ny ondry nihahaka tsy nisy mpiandry aho.”

⁶⁵ Noho izany ity mpitory teny anankiray ity, nitafy tsara tanteraka, dia nanatona ka namely tahamaina azy teo amin'ny vava, ary nanao hoe, “Làlana aiza no nalehan'ny Fanahin'Andriamanitra rehefa niala tamiko izy?”

Hoy izy, “Ho hitanao rehefa miverina ianao.” Eny.

⁶⁶ Hoy izy hoe, “Henoy eto!” Hoy izy hoe, “Mpanompon'Andriamanitra izahay. Efajato izahay, ary ianao anankiray.”

⁶⁷ Saingy hoy i Mikaia hoe, “Ho lazaiko aminareo hoe aiza no misy ny olanareo.” Amena! Hoy izy, “Nahita fahitana aho.” Amena! Hoy izy hoe, “Ary nahita an'Andriamanitra nipetraka teo amin'ny Seza fiandrianany aho. Nahita ny tafiky ny Lanitra nitsangana manodidina Azy aho. Ary fantatsika fa ny Tenin'Andriamanitra efa nanonona ny ozona eo amin'ity lehilahy ity, noho ny fomba izay nataony.”

⁶⁸ Tsy afaka mitahy an'izay nozonin'Andriamanitra ianareo, ny Devoly koa dia tsy afaka manozona an'izay notahian'Andriamanitra. Raharahan'ny isam-batan'olona izany, tsy mampaninona na mahantra toy ny ahoana aza na donto saina toy ny ahoana, tsy nianatra toy ny ahoana, tsy mahay toy ny ahoana. Izay notahian'Andriamanitra dia voatahy. Izay nozonin'Andriamanitra dia voaozona. Mahaiza manavaka an'izay tsara sy izay ratsy.

69 Fantatr'i Mikaia marina sy tsara fa tsy ny Tompo no niaraka tamin'ireo mpitory teny ireo. Eny, inona no nanjò an'ireto mpitory teny ireto? Mariho izay nataon'izy ireo. Nitafy ny tsara indrindra izy ireo. Nofahanana ny tsara indrindra izy ireo. Niaraka tonga tao amin'ireo fetiny sy ny sisa izy ireo, ary ireo fanekeny, mandra-pahatonga teo amin'ny toerana izay tsy nahafantaran'izy ireo afa-tsy ny teoloziany manokana ihany. Ary ny Baiboly no nilaza fa Mikaia, rehefa nijery an'ilay fahitana izy, dia hoy izy hoe, "Hoy Andriamanitra hoe, 'Iza no azonay hirahina hidina any ka hamitaka an'i Ahaba?' Ary hoy ny fanahy mandainga iray hoe, 'Izaho no hidina any ary hamitaka an'i Ahaba amin'ny alàlan'ireo mpitory teny ireo, hanao an'i Ahaba hivoaka any, mba hanao ny Tenin'Andriamanitra hiseho.'"

70 Ankehitriny, androany dia olona maro no mihaino... (Ankehitriny, ny sekoly Alahady, tiako izany.) Jereo, maro ny olona izay mihaino an'ireo fanahy mamitaka raha tokony handray ny Tenin'Andriamanitra. Ireo fanahy, eto amin'izao tontolo izao izy ireo. Demony izy ireo. Ary miditra ao amin'ireo toerana izy ireo ka mitsofoka eo anivon'ireo lehilahy, ireo mpitoriteny. Mitsofoka eo anivon'ireo mambram-piangonana izy ireo. Mitsofoka eo anivon'ireo olona tsara izy ireo. Ary izy ireo no manao azy ho tafiditra ao anatin'ny fitaka. Ary miteny zavatra izy ireo, sy manao zavatra, ka mampianatra zavatra, ary manatanteraka zavatra, izay mifanohitra amin'ny Tenin'Andriamanitra. Amin'izao andro izao, ireo mpitoriteny dia mamela ny olony hilalao karatra ao amin'ny fiangonana, ny maro amin'izy ireo. Ankehitriny, tsy ny Katolika irery fotsiny ihany, misy Protestanta maro manao an'izany.

71 Ny ezahan'izy ireo hatao dia ny manao zavatra solony. Niezaka izy ireo ny hanaraka drafitra vaovao iray. Niezaka izy ireo ny hanaraka fampianarana, mba haka ny toeran'ny Fanahy Masina. Tsy hahavita an'izany mihitsy ianareo, tsy mampaninona na tsara toy ny ahoana aza no nampianarana ny lehilahinareo. Heveriko fa zavatra tsara ho azy ny nampianarina. Saingy raha tsy manana ny Fanahy Masina izy miaraka amin'izany, dia tsy hahavita tsara ho azy ny fianarany. Tsy haka ny toeran'ny fitarihan'ny Fanahy Masina mihitsy ny fianarana. Amena.

72 Mariho, izy ireo, raha tokony ho Ity, dia niezaka izy ireo ny hanaraka fandraisan-tànana ho an'ilay fahatsapan'ny andro fahiny izay nananantsika taloha. Lasa moderina ilay fiangonana amin'izao andro izao. Mandeha izy ireo ary manolotra ny tànana ankavanan'ny fiombonana, ary saiky toy izany no anaovan'izy ireo azy. Saingy tsy haka ny toeran'ny dabilion'ilay mpitaraina amin'ny fanao tranainy mihitsy izany izay misy an'ireo mpanota miantsoantso sy mahitsy amin'Andriamanitra. Marina izany.

⁷³ Amin'izao andro izao dia miezaka izy ireo ny haka ny toeran'ny ampahafolon-karenan'Andriamanitra. Miezaka izy ireo ny hanaraka zavatra iray. Miezaka izy ireo ny hanao an'ilay izy ho hafa. Mandeha any izy ireo ary manana ny lalao bunco ao amin'ny fiangonana, milalao loteria. Tsy haka ny toeran'ny ampahafolon-karenan'Andriamanitra mihitsy ny loteria. Sakafo hariva, fivarotana bodofotsy, fitsangatsanganana, hampitomboina vola handoavana an'ireo trosa samihafa, tsy haka ny toeran'ny ampahafolon-karena Mandrakizay an'Andriamanitra sy ny rakitra mihitsy izany. Tsy hahavita azy mihitsy izany. Kanefa dia miezaka manao an'izany isika.

⁷⁴ Inona izany? Ireo fanahy mamitaka midina izany, miezaka ny han-...hanolo zavatra ho an'ny Tenin'Andriamanitra. Andriamanitra tsy manana solo ho an'Ny Teniny. Izany dia Mandrakizay sy mandrakizay. Tsy manana na inona na inona hasolo ny finoana Andriamanitra. Tsy manana solo ny finoana. Ny fanantenana tsy haka ny toeran'ny finoana mihitsy. Tokana ny finoana. Mitoetra irery izy. Izany tsy haka mihitsy ny...Tsy afaka maka ny toerany mihitsy ny fanantenana. Ny fanantenana dia fanehoana ny zavatra antenaina, ny porofon'ny zavatra tsy hita, na ny finoana izany, raha ny marina. Hitanareo? Ny fanantenana dia zavatra iray; ny finoana dia iray hafa. Ny fanantenana dia manantena an'ilay izy; ny finoana no manana azy. Ny anankiray dia finoana ara-tsaina; ary ilay iray hafa dia fanambaran'Andriamanitra mivantana. Tsy haka ny toerany mihitsy izany. Miezaka isika, nefa manamboatra an'ireo solony rehetra ireo.

⁷⁵ Miezaka isika manorina an'ireo fiangonana lehibe raha tokony handefa misionera. Mpisolo hafa iray. Tsy nanendry olona iray hanorina fiangonana iray mihitsy Jesosy. Tsy voatendry ao amin'ny Baiboly mihitsy izany. Nanangana an'ireo seminera isika, navelan'izy ireo haka ny toeran'ny misionera izany. Isika...Tsy niteny tamintsika mba hanorina seminera iray mihitsy Jesosy. Mety daholo izy ireny. Ny fianarana, miezaka ny hahazo an'izany mba haka an'ilay toerana. Tsy hahavita azy mihitsy io. Ny fanirahan'i Jesosy dia ny "mandehana any amin'izao tontolo rehetra izao ary mitoria ny Filazantsara amin'ny olombelona rehetra," ho an'ny andro farany. Noho izany ireo mpisolo rehetra izay ananantsika dia tsy haka ny toeran'ilay tena izy mihitsy.

⁷⁶ Nanana fahatsapana iray aho indray andro, mpisolo iray. Nanana ny areti-nifiko voalohany aho, tsy maintsy nanala nify iray. Izao maraina izao aho dia manana solonify mipetaka ao anatiny ao. Zara aho raha afaka miresaka. Tsy haka ny toeran'ilay anankiray tena izy mihitsy izany. Tsia, tempoko! Oh, oadray!

⁷⁷ Afaka maka lehilahy iray ianareo ka mampiakango tsara azy, manao azy avy amin'ny hazo, tsaoka, na inona na inona tianareo, ary manamboatra azy tena tsara mihitsy. Tsy manana fihetseham-po izy, tsy manana fieritreretana. Tsy haka ny toeran'ny lehilahy iray tena izy mihitsy izy. Tsy ho ny fiovam-po sandoka iray koa izay mandeha ka manao hoe, "Nikambana tamin'ilay fiangonana aho. Hiezaka aho ny hanao tsaratsara kokoa." Tsy haka ny toeran'ilay fanao tranainy tena izy mihitsy izany, nirahin'Andriamanitra, fiovam-po an'ny Fanahy Masina izay manao olona iray ho hafa ao am-pony. Tsy afaka mahavita an'izany izy, satria tsy misy Aina ao anatin'ny. Tsy misy na inona na inona hanome Aina azy.

⁷⁸ Teto vao tsy ela akory izay dia nahita ny artista malaza aho izay nitondra an'ilay, mpanao sokitra, no tiako ho lazaina, izay nanao an'ilay sarin'i Mosesy. Tsy mahay miantso ny anarany aho ankehitriny. Artista Grika iray izy. Ny ainy no vidiny ho azy. Ary rehefa vitany teo amin'izay noheveriny fa tena tanteraka mihitsy ilay izy, dia lasa nientanentana loatra izy teo amin'ilay sarin'i Mosesy hany ka nokapohiny ny lohalik'ilay izy, ka hoy izy, "Mitenena, ry Mosesy!" Toy ny tena izy mihitsy izany! Tena araka ny modely tena tanteraka mihitsy ilay izy hany ka tena nitovy tanteraka tamin'i Mosesy izany, araka ny fiheverany, ka nokapohiny tamin'ny maritona mba hanao an'ilay izy hanana fihetseham-po.

⁷⁹ Mametraka ao an-tsaina ny fiangonana izany. Tsy mampaninona na firy na firy no asolonareo, na goavana toy ny ahoana ny fiangonana anananareo, tsara toy ny ahoana no hihiranareo ny hiranareo, tsara toy ny ahoana ny fitafin'ny fiangananareo, firy no anananareo an'ity, itsy, na ny hafa, afaka mikapoka ianareo, mahatsapa, na inona na inona. Tsy haka ny toeran'ny Aina mihitsy izany, raha tsy Kristy no midina amin'ny endrika Fanahy Masina, ao amin'izany fiangonana izany, ka manome azy fahatsapana iray vaovao an'ny fahateraham-baovao. Tsy haka ny toeran'ny Tenin'Andriamanitra mihitsy izany. Mijoro irery ny Tenin'Andriamanitra.

⁸⁰ Nanana ny Teny i Mikaia. Fantany fa nanana ny Teny izy. Nanana ny Teny voasoratra izy, nanana an'izany tamin'ny alàlan'ny fahitana koa izy. Fantany izay nolazain'Andriamanitra tao amin'Ny Teniny. Fantany izay nolazain'Andriamanitra tamin'ny alàlan'ny fahitana. Tonga miaraka izy ireo. Fantany fa izany no Fahamarinana, noho izany dia tsy natahotra izy.

⁸¹ Fa ity fanahy mamitaka ity, jereo izay nataony, amin'izao andro izao. Manao an'ireo mambram-piangonana ho betsaka, manao an'ireo mambram-piangonana ho tsaratsara kokoa, navelany hilatsaka ireo fefy rehetra an'ny fampianaran'ny Fanahy Masina amin'ny fanao tranainy. Izany no namela

an'ireo lehilahy hanana an'ireo fety sosialy miaraka amin'ny hafa, ao amin'ny efitra ambany izay hilalaovan'izy ireo kilalao. Tsy hahasolo an'ilay efitra ambony mihitsy izany, izay nivavahan'izy ireo ho an'ny Fanahy Masina. Izany no namela an'ireo vehivavy ho tonga miaraka ka hiteny vazivazy sy ny sisa, sy hanana fahadalana betsaka izay tsy misy dikany. Tsy haka ny toeran'ny fivoriam-bavaka mihitsy izany. Ireo vehivavy, ny fomba hivoahany sy hitafiany amin'izao andro izao, izany dia—izany dia fahafaham-baraka.

⁸² Nandre fanamarihana iray izay nataon-dRahalahy Neville aho, hoy izy, “Ireo vahoaka Amerikana mahantra,” hoy izy, “nalefan'izy ireo any am-pitan-dranomasina ny akanjon'izy ireo.” Marina izany. Mandehandeha amin'ny atin'akanjony izy ireo. Izy ireo... Marina izany. Tokony ho nomeny an'ireo misionera izy ireny, satria ny misionera... Ireo vahoaka sy mpanompo sampy any amin'ny firenen-kafa dia mitafy azy ireny. Ireto vahoaka ireto dia tsy manao azy ireny, toy ny hoe izany no tian'izy ireo.

⁸³ Ho lazaiko aminareo, misy zavatra iray izay nosimbaina, ary izany dia ny fitoriana ny Filazantsaran'ny Tompo Jesosy Kristy. Izany no demony izay manala ny akanjonareo. Tsy nisy afa-tsy olona iray ao amin'ny Baiboly no hany nanaisotra an'ireo akanjony hiala teo amin'izy ireo, izany dia lehilahy iray izay azon'ny demony. Ary tonga amin'ny endrika bonaika izy amin'izao andro izao, toy ny hoe azo iaraha-monina izy, toy ny hoe tsara izy, toy ny hoe mety tsara izany. “Mangatsiatsiaka ny andro, ary hanao anareo ho mangatsiatsiaka kokoa izany raha hesorinareo ny akanjonareo.” Ny lehilahy mandeha mandroso-sy-miverina eo an-tokontany, ka mitanjaka ny tapany, ary toy izany koa ireo vehivavy. Nahoana, tonga eo amin'ny faritra iray izay tsy misy fanajana betsaka noho ny atao amin'ny alika ianareo, ny iray ho an'ny iray hafa. Inona ny olana? Tsy miezaka ny handratra anareo aho. Miezaka fotsiny aho ny miteny aminareo fa izany no azon'ny demony, ary mihaino an'ireo fanahy mamitaka ianareo izay miteny aminareo hoe, “mety tsara izao,” saingy lainga izany.

⁸⁴ Ny voam-bary iray dia vary ihany no hovokariny. Raha Kristiana iray ianareo, dia tsy hanao an'izany. Tsy afaka manao an'izany ianareo. Tsy afaka manao an'izany fotsiny ianareo. Manana finoana ara-tsaina iray fotsiny ianareo ka manao hoe, “Rahalahy Branham, mino ny Baiboly aho.” Ny fiainanareo no milaza fa tsy mino ianareo. Amena. Ireo fanahy mamitaka manohitra ny Tenin'Andriamanitra.

⁸⁵ Fantany hoe aiza izy no mijoro, fantatr'i Mikaia. Nanana ny Tenin'Andriamanitra izy. Lehilahy iray tena tsy nalaza izy. Tsy nisy olona tia azy satria nilaza ny Fahamarinana izy, fa ireo mpitory teny ireo no tian'izy ireo.

⁸⁶ Ankehitriny, zavatra hafa iray izay niseho. Izaho dia mino sy mihevitra fa ny lehilahy iray izay manana fahatsapana iray miaraka amin'Andriamanitra, na vehivavy iray, dia natao hanana fihetseham-po kely iray. Mino an'izany mihitsy aho. Marina izany. Saingy mba fantatrareo moa? Nanamboatra fihetseham-po izy ireo ho an'ny batisan'ny Fanahy Masina. Tabataba betsaka fotsiny no azon'izy ireo, nefa tsy misy na inona na inona ao amin'izany. Miainà masina fotsiny noho ny miaina am-pitabatabana, dia ho tena tsara ianareo amin'izay fotoana izay. Ireo fihetseham-po dia tena tsara tokoa; “mahaso kely ihany ny fampiasam-batana.” Saingy niditra tao amin'ilay andian'olona masina ireo fanahy mamitaka, ary izy ireo no nampijanona azy ireny fotsiny eo amin'ny hoe “satria afaka mikiakiaka izy ireo” na “satria afaka mandihy izy ireo, satria afaka manao fihetseham-po izy ireo.”

⁸⁷ Io lehilahy antitra teo io, ilay lohan'ireo mpaminany rehetra ireo, ireo mpitory teny, tena nahazo antoka mihitsy fa marina izy, ka nanamboatra tandroka ho an'ny tenany sy nandihy nanerana ny rehetra, ary nanao hovitrovitra goavana kokoa. Hanosika an'ilay tafika Asyriana hafa izy hiala amin'ilay firenena. Saingy lainga ilay izy! Hafa no nolazain'ny Tenin'Andriamanitra. Amena. Hitanareo, mety ho ara-pihetseham-po tsara ianareo, raha manana an'ilay karazan'ny fihetsehana marina ianareo ao ambadik'izany, ilay karazana fihetsem-po marina manetsika ny fihetseham-ponareo.

⁸⁸ Nandihy teo anatrehan'ny Tompo i Davida, ary nihomehy azy ny vadiny. Ary nijery avy any An-danitra Andriamanitra, nanao hoe, “Ry Davida, lehilahy araka ny Foko Manokana ianao.” Saingy ireo antony dia marina. Ny fiainany dia marina, tao ambadik'izany.

⁸⁹ Noho izany, satria fotsiny hoe afaka ny ho ara-pihetseham-po isika, tsy midika izany fa voavonjy isika. Satria mandeha any am-piangonana isika, tsy midika izany fa voavonjy isika. Aza mino an'ireo fanahy mamitaka ireo. Ny tena Fanahin'Andriamanitra, ny tena Tenin'Andriamanitra, dia ny Fahamarinan'Andriamanitra; izay Voan'Andriamanitra iray, hamokatra an'Andriamanitra ao amin'ny fiainanareo; aoka ho araka an'Andriamanitra, ara-pahamasinana, masina.

⁹⁰ Eo anivon'ny olona maro izay ahitantsika an'ireo fientanam-po, sy ny sisa, dia eo no tonga ireo resabe sy fifosana, ary ireo karazan-javatra tsy masina rehetra. Rahalahy, izany no asidra solifirika ao amin'ny fiangonana. Izany no herin-demony. Fanahin'ireo lehilahy sy vehivavy izay mikambana, ka miezaka ny hanery, manao hoe, “*Ity* dia tsy mety, ary *ity* dia tsy mety, ary *itsy* dia tsy mety.” Raha halalininareo ilay izy, ny sivy ampahafolony dia olona iray ihany izay manao an'ilay fanakorontanana, izany no tsy mety. Amena. Halan'Andriamanitra ny fisaraham-bazana eo anivon'ny

rahalahy. Aoka hanaja, aoka ho masina, tiavo Andriamanitra, mijanona eo Anilany. Ary raha mbola fantatrarao foana fa mifanaraka tsara amin'ny Baiboly ny fiainanareo, miaraka amin'ny fahadiovam-po, fahadiovan-tsaina, fitiavana an'ireo rahalahinareo, miezaka ny tsara indrindra anareo hampandroso ny Fanjakan'Andriamanitra, ka manao an'ireo zavatra ireo, miakanjo tsara, miaina tsara, miresaka tsara, mandeha any amin'ireo toerana tsara, amin'izay fotoana izay dia afaka mahazo an'ireo fientanam-po rehetra izay tianareo ianareo, ary hino an'izany ny olona rehetra.

⁹¹ Hoy Jesosy hoe, “Ianareo no siran'ny tany. Raha ny sira no mahavery ny tsirony, dia tsy hahasoa na inona na inona izy amin'ny sisa, hatsipy any ivelany ary hosihosen'ny tongotry ny olona.” Raha sira fotsiny ihany ianareo, dia tsy tsara izany. Fa raha manana ny tsiro ianareo ao anatiny, aoka ho masira ianareo dia hangetaheta izao tontolo izao. Raha lasa masira ianareo, dia hangetaheta izy ireo. Oh, oadray!

⁹² Mivoaka ireo fanahy mamitaka, ireo demony eo ambanin'ny saron-tava. Jereo, ao amin'ny andro farany isika. Ao amin'ny fotoana farany isika. Efa saiky vonona ny ho tonga eo amin'ny lohany izao tontolo izao, tahaka ny vay marary iray any ho any izay hipoaka indray andro any ka ilay atiny no hitsambikina avy ao aminy. Lasa maloto izy. Tsy misy fanafody ahosotra afaka hanasitrana azy. Nolavin'izy ireo ilay—ilay serôma. Nolavin'izy ireo ilay fitsaboana. Alaivo ny vay iray izay mitombo eo, fa raha tsy maka penisilina ianareo na zavatra iray handevona azy, na zavatra hafa iray, dia hitohy hitombo fotsiny izy mandra-pipoakany.

⁹³ Izany no nataon'izao tontolo izao. Nanomboka izy, vao tsy ela akory izay, ny namela handeha. Nandeha tany amin'ireo hevitra goavana be izy ireo, niditra ireo fanahy sandoka ka nanomboka niteny tamin'ireo olona an'ity, *itsy*, na ny *hafa*. Nisaratsaraka tao anatin'ny anaram-piangonana samihafa sivinjato mahery isika, ny tsirairay miaraka amin'ny fijery samihafa. Hoy izy ireo hoe, “Izahay dia mino an'ity, teboka! Izay ihany no inoanay.” Tsy mamela ny Fanahy Masina hiditra izy ireo. Tsy afaka ny hahazo an'ilay laharam-pahamehana izy ireo. Nanana andian'olona iray afaka niantsoantso Andriamanitra, avy eo dia tsy maintsy niantsoantso ny olona rehetra. Nanana ny sasany izay afaka niteny tamin'ny fiteny tsy fantatra izy ireo, avy eo dia tsy maintsy niteny tamin'ny fiteny tsy fantatra ny olona rehetra. Lasa tahaka an'izany izy rehetra, hany ilay izy ka lasa (inona?) nifindran'ireo fanahy mamitaka tanteraka, mamitaka ny olona mba hanao an'ireo fientanam-po ireo nefa tsy ao anatin'izany mihitsy Andriamanitra. Avy eo dia mivoaka izy ireo ary miaina amin'izay karazam-piainana iriany hiainana, nefa avy eo dia miantso an'izany hoe “Kristiana.”

⁹⁴ Ary mipetraka izao tontolo izao ka mijery, manao hoe, “Eny, jereo izao! Mbola tsara noho izy ireo aho.”

⁹⁵ Tahaka ny nolazaiko indray hariva mikasika an’ilay kisoa, mikasika an’ilay mpanota. Ianareo tsy afaka manome tsiny . . . Ny mpanota iray dia mpanota iray. Aza miezaka ny hanavao azy. Aza miezaka ny hiteny aminy an’ity, itsy, na ny hafa. Mpanota iray izy, hatrany am-piandohana. Kisoa iray izy, hatrany am-piandohana. Tsy mahafantatra fahasamihafana izy. Raha mandeha any amin’ny sarimihetsika izy, ka mandeha ny Alahady, sy mandeha any amin’ny lalao baolina, ary manao an’ireo zavatra rehetra ireo, mpanota iray izy, hatrany am-piandohana. Mitovy amin’ny kisoa iray ny natorany. Mandraikitra ny orony eo amin’ny antontan-jezika iray ilay kisoa antitra dia mihinana ny voan-javatra rehetra avy ao amin’izany, sy ny sisa; eny, izany, kisoa iray izy. Tsy afaka manome tsiny azy ianareo. Kisoa iray izy. Tahaka an’izany ny amin’ireo mpanota. Fa rehefa mandeha ianareo ka miantso ny tenanareo ho Kristiana iray, sy mandraikitra ny oronareo ao miaraka aminy, amin’izay fotoana izay dia tsy tsaratsara kokoa noho izy ianareo, fa, ratsy kokoa ianareo. Mivoaha avy eo anivon’izany. Ialao izao tontolo izao. Ialao. Avelao Andriamanitra no hanao. Ialao.

⁹⁶ Ahoana no ialanareo? Maro ny olona no manontany amin’izao andro izao, manao hoe, “Eny, Rahalahy Branham, ahoana no ialanao?” Fantatro fa efa nandre teolojia betsaka teo amin’izany ianareo, “ialao.” Maro ny olona no miasa mafy amin’ny hatsembohana mihitsy, miezaka ny miala. Maro ny olona no tonga ka manao hoe, “Handeha hanao fifadian-kanina efapolo andro aho mba hahafahako manao zavatra.” Tsy mila fifadian-kanina efapolo andro ianareo. Mila miala amin’izao tontolo izao ianareo sy ireo zavatra ny devoly rehetra ireo, ka mandray ny Tenin’Andriamanitra ao am-ponareo. Tsy maintsy ampianarina ianareo hoe ahoana no fanaovana an’izany. Tsy ho vitanareo amin’ny alàlan’ny fitsambikinana ambony-sy-ambany izany, tsy ho vitanareo koa amin’ny fifadian-kanina efapolo andro izany. Amin’ny alàlan’ny fo iray manolotena ho an’Andriamanitra Tsitoha no hahavitanareo an’izany.

⁹⁷ Tahaka ny zaza kely iray. Voamariko ny zanako kely iry aoriana iry, niezaka ny hametraka ny lobaka keliny teo aminy ny reniny, aninkeo maraina. Te-hampiditra ny sandry keliny antitra tao anatin’ilay tanaan’akanjo izy. Tsy afaka nampiditra ny sandriny tao izy; tsy fantany hoe ahoana. Tsy maintsy mitari-dàlana an’ilay sandry keliny ianareo. Te-hampiditra ny sandriny ao izy, saingy hikapokapoka manerana an’izany fotsiny. Tsy ho tonga eo amin’ilay tanaan’akanjo mihitsy izy. Fantany fa tsy ao amin’ilay tanaan’akanjo izy.

⁹⁸ Ary toy izany koa no ahafantaranareo fa tsy marina amin’Andriamanitra ianareo, raha mbola mifosa foana

ianareo, mandainga, manao ny zavatra rehetra. Tsy afaka ny ho marina amin'Andriamanitra ianareo, tsy ahoako na firy na firy ny fiangonana ikambananareo, mandra-pahatongan'ny fanahinareo ho niova fo. Rahalahy, izany no fanao fahiny, saingy izany dia hampangotraka sy hanisy lasopy ao amin'ny fanahinareo. Marina!

⁹⁹ Miezaka ny mametraka ny sandriny ao, tsy maintsy mila olona iray izy hitarika azy ao, ahoana no hametrahana ny sandriny ao. Amin'izay fotoana izay rehefa tafidiny ao anatin'ilay lobaka keliny ny sandriny, dia fantany fa mety tsara izy.

¹⁰⁰ Toy izany koa ny amin'ny Kristiana rehetra nateraka indray. Rehefa tafiditra tokoa ao amin'Andriamanitra izy, dia mampitovy ny fiainany amin'ny Tenin'Andriamanitra izy ary fantany fa mifanitsy amin'ny kely indrindra amin'Izany izy. Ananany ny fahari-po, fahamoram-panahy, filaminana, fahalemem-panahy, hery, finoana, fitiavana, fifaliana, fiadanana. Tsy hihilangilana tahaka ny ranomasina mikorontana izy. Tsy hiahiahy ny amin'izay zavatra kely rehetra izy. Izy tsy hitsambikina *eto sy etsy*, tahaka ny bosoan-tavoahangy eo ambonin'ny ranomasimbe misy rivotra. Tafatoetra izy. Madio ny fony. Madio ireo fisainany. Madio ireo fikasany. Tsara ny safidiny. Ary fantany fa mifanitsy amin'ny Tenin'Andriamanitra izy. Tsy afaka hanetsika azy ny helo rehetra. Mifanitsy amin'ny Tenin'Andriamanitra izy. Manana ny fitiavana Masina izy, fahadiovana ao am-pony, ho an'ny lehilahy sy vehivavy rehetra. Izy dia manana . . . Tsy mikasika an'ireo zavatr'izao tontolo izao izy, maty izy ireo aminy; tsy ilainy intsony izy ireny. Nahoana, tsy ho vitanareo ny hampanao zazavavy iray feno ny Fanahy Masina ny iray amin'ireny akanjo tsy masina ireny ka hivoaka eo na amin'ny inona na inona. Tsia, tompoko.

¹⁰¹ Ankehitriny, tsy ilaina ny handehananareo ka hiteny aminy fa diso izy, satria tsy hino anareo izy, satria izay ihany no fantany. Izany no fifaliany. Manao an'ireny zavatra kely ireny ireo vehivavy, hivoaka amin'ny hariva, rehefa tonga ao an-trano indrindra ireo lehilahy, ilay governemanta, ka manao hoe, “Hanapaka ahitra eny an-tokontany aho,” mba . . . Dia lazao amiko fa tsara izany? Ry vehivavy, tsy te-hilaza aho fa hoe ianareo no—ianareo no ratsy. Tsy te-hilaza aho hoe ianareo no tsy mendrika. Fa tsy fantatrarao, ranabavy, fa azon'ny fanahy maloto iray ianareo. Ho an'ny inona no hanaovanareo an'ilay izy? Manan-tsaina ampy ianareo mba hahafantarana fa tsy mangatsiatsiaka kokoa ilay izy. Mafana kokoa ilay izy. Misy fanahy maloto iray ao.

¹⁰² Hoy ianareo hoe, “Izaho ve? Izaho, nandeha tany am-piangonana aho!” Lehilahy malaza iray i Nebokadnezara. Saingy, satria lasa nirehareha izy, dia nomen'Andriamanitra fanahin'omby iray izy, ary namela azy hihinam-bozaka

nandritry ny fito taona, ary nitombo ny hohon-tànany tahaka ny an'ireo vehivavy sasany manodidina eto. Marina izany. Ary lasa nitoeran'ny demony izy.

¹⁰³ Lehilahy iray no nitoeran'ny demony ka nanala ny akanjony. Tsy afaka nametraka akanjo teo aminy izy ireo. Hitanareo ve izay tiako ho lazaina? Ireo fanahy mamitaka izany.

¹⁰⁴ Mandefitra amin'izany ny fiangonanareo. Ny mpitory teninareo dia matahotra ny hiteny zavatra, matahotra sao tsy handoa ny fahafolon-karenanareo intsony ianareo. Izany no antony. Izany ilay olana. Oadray, mamindrà fo! Ahoana no hitorianareo teny amin'ny andiana voltora iray, raha tsy efa vitanareo aloha ny manova fo azy ireny sy mahitsy amin'Andriamanitra, hatrany am-piandohana? Hampifahatra ny orony ao amin'ireo karazan-javatra maty foana izy ireo. Ny ilainareo dia fanafoanana iray, ka fifohazana amin'ny fanao fahiny iray no hitety ny isaky ny morontsiraka, ary hanao an'ireo lehilahy sy vehivavy hahitsy amin'Andriamanitra. Aoka hamotsotra, an'ireo zavatr'izao tontolo izao! Aoka hamotsotra, an'ilay toriteny tsy misy dikany voizina moramora. Amena. Torio ny Filazantsara. Andriamanitra no niteny an'izany. "Raha tia an'izao tontolo izao ianareo, na ireo zavatr'izao tontolo izao, dia tsy ao anatinareo akory aza ny fitiavan'Andriamanitra."

¹⁰⁵ Afaka mitsambikina ambony-sy-ambany ny olona, sy miantsoantso mandritry ny alina manontolo, ary miteny amin'ny fiteny tsy fantatra tahaka ny mandraraka voamaina eo ambonin'ny hoditr'ombivavy maina iray; mivoaka avy hatrany, ny ampitso maraina, miaraka amin'ny hatezerana lehibe hiadiana amin'ny tsofa mihodina iray, mandeha mivoaka avy hatrany ka miteny zavatra ao amin'ny fiangonana izay hanao an'ilay fiangonana manontolo hisaraka tanteraka. Tsy misy na inona na inona eto amin'izao tontolo izao afa-tsy famitahana, fanahin-demony! Mila miverina amin'ny Teny, izay Andriamanitra no fahadiovana, masina. Amena. Marina izany. Ireo fanahy mamitaka manohitra ny Tenin'Andriamanitra!

¹⁰⁶ Teto dia nisy lehilahy iray, vao tsy ela akory izay, nitondra vehivavy kely iray... Manana roa ambin'ny folo ireo Katolika any. Ao amin'ny fotoan'ny fitsaha-jazany, dia mivoaka eo amin'ireo tànany sy ny handriny izany. Raha mpitory teny tsara iray feno ny Fanahy Masina... Nihevitra aho. Ilay lehilahy dia nanana tavoahangy iray an'io karazan-javatra io, nivoaka avy teo amin'ireo tànany, nandeha nanosotra an'ireo olona tamin'izany. Fioo! Mamindrà fo! Antikristy izany! Tsy ahoako na mivoaka avy ao amin'ny orony na avy ao amin'ny lohany ilay rà, na aiza, rahalahy, tsy misy rà haka ny toeran'i Jesosy Kristy ilay Zanak'Andriamanitra. Izany ihany no Rà izay fantatro ny zavatra mikasika azy. Mety nanana menaka miraraka avy ao amin'ny tànana iray izy, sy divay avy ao amin'ilay hafa, saingy, raha ampiassinareo amin'ny

karazam-pivavahana anankiray izany, dia izany no Devoly. Ny mahita hoe ahoana no hahalavo an'ireo mpitory teny ao amin'ny karazan-javatra tahaka an'izany!

¹⁰⁷ Ny ilaintsika, dia ny miverina ao amin'ilay Boky Fitarihana, miverina amin'ny Tenin'Andriamanitra! Ity no Tenin'Andriamanitra, ilay Baiboly tranainy voatahy. Hoy ianareo hoe, "Eny, matahotra ny ho lasa tahaka an'izany aho, Rahalahy Branham. Matahotra aho sao hahavery ny sasany amin'ireo fifaliako." Inona ny olana? Tsy fantatrareo hoe inona ny fifaliana.

¹⁰⁸ Efa nolazaiko fa tsy manameloka an'ilay mamolava aho ny amin'ny hivoahany ka lasa mamomamo. Malahelo tanteraka izy. Tsy mahafantatra izy. Mitsangana izy, ny maraina, sorisorena izy, malemitemy. Mivoaka izy dia maka tavoahangin-dabiera roa na telo ho azy, ary mivoaka ka maka whisky iray ho azy, sy io karazan-javatra rehetra io.

Mipetraka eo ilay mpitsentsitra sigara kely dia mifoka, ary mamomamo avy ao amin'ny orony toy ny fiaran-dalamby mpitondra entana izy. Izay ihany. Tsy manome tsiny azy aho; izay ihany no fifaliana fantany. Izay ihany no fantany mikasika an'izany. Kisoa iray izy, ara-natiora.

¹⁰⁹ Mbà menatra ianareo izay milaza ho Kristiana iray ka miankina amin'izany karazan-javatra izany ho fifaliana, nefa ny Filazantsaran'ny Fanahy Masina dia tsy inona fa trano famokaram-pifaliana goavana be anankiray. Ny Filazantsaran'ny Fanahy Masina dia fanapoizinana tanteraka iray ho an'ny olona rehetra izay tratry ny fahasorisorenana. Raha haka fisotro iray avy ao amin'ny Filazantsaran'i Jesosy Kristy ianareo, feno ny Fanahy Masina, dia mamomamo ianareo hany ka ilaozanareo ity izao tontolo izao ity, amena, fifaliana tsy hay lazaina sy feno voninahitra. Misy fientanana tsy an-kitsahatra ao. Fanapoizinana tsy an-kitsahatra izany, mamomamo andro aman'alina! Amena. Izany no Tenin'Andriamanitra.

¹¹⁰ Tonga ny fiangonana, manangana zavatra hafa. Tsy maintsy manana fety kely iray izy ireo izay andehanan'izy rehetra any amin'ny tora-pasika, mba hahazo fakan-drivotra. Lalao karatra iray miaraka, ho fiombonana. Marina izany. Manana fandihizana iray, indraindray, any amin'ny tranon'ny mambra anankiray, matetika ao amin'ny rihana ambanin'ilay fiangonana. Fandihizana iray, manangana, miezaka ny hahazo zavatra hahafa-po. Inona ny olana? Andian-kisoa goavana iray izy ireo, na ahoana na ahoana. Kisoa izy ireo, hatrany am-piandohana. Raha mba nifandray tamin'i Kristy manty izy ireo, dia ho nanana fifaliana betsaka tokoa, ireo zavatra ireo dia ho mainty kokoa noho ny sasak'alina, ho azy ireo. Ny Filazantsara, mamon'ny Fanahy, fifaliana tsy hay lazaina sy feno voninahitra.

¹¹¹ Aza manameloka ny mpanota; mamindrà fo aminy. Avelao izy handeha sy hifoka ny pipany, avelao izy hisotro ny toakany, avelao izy hanao ny filalao any karatra. Izany no fifaliany. Aza tsiniana izy. Tonga ao an-trano izy sy ny sisa, reraka sy trotraka, dia mila fifaliana izy. Ny zavatra tokony hataonareo dia ny miaina amin'ny fiainana masina tanteraka izay hahafahanareo manaporofa aminy fa ny Filazantsara dia mitahiry an'aliny lavitra noho izany, ho azy. [Elanelana tsy voaraki-peo—Mpand.] Ary raha maty ao amin'izany toerana izany izy, dia ho any amin'ny helo, ao amin'ny toakany. Fanapoizinan'ny Devoly izany. Raha maty izy, eo am-pifohana an'io pipa tranainy io, dia Andriamanitra no Mpitsara azy ireo. Raha maty izy, mivoaka any ivelany any, mandihy, ary mandehandeha eny rehetra eny miaraka amin'ny fitafiany tsy mendrika, dia Andriamanitra no Mpitsara azy ireo.

¹¹² Saingy misy zavatra anankiray, raha maty eo ambanin'ny hosotry ny Herin'ny Fanahy Masina kosa ianareo, tahaka an'izay nataon'i Stefana rehefa niandrandra teo amin'ny tavan'Andriamanitra izy, nanao hoe, "Hitako ny Lanitra misokatra, ary Jesosy mitsangana eo an-tànana ankavanana," dia an-dàlana mankany An-danitra ianareo izay, tahaka ny sidisidina anankiray ho any amin'ny akaniny. Amena.

¹¹³ Ireo fanahy mamitaka manohitra ny Tenin'Andriamanitra! Mamotsora, afoizo. "Ahoana no anaovanao an'izany, Rahalahy Branham?" Ialao fotsiny. Izay ihany no tokony hataonareo. Raiso ny Tenin'Andriamanitra. Aza miezaka ny hanamboatra na inona na inona. Aza mandohalika eny amin'ny alitara ka hikapokapoka azy, hikiakiaka hoe, "Andriamanitra, omeo ahy ny Fanahy Masina! Tompo, omeo ahy ny Fanahy Masina!" Tsy ho avy izy, raha hikapokapoka an'io alitara io ianareo. Tsy hisy tsara ho vitan'izany. Tsia. Tsy izany no fomba Hahatongavany. Izany dia, ny mandray Azy amin'Ny Teniny!

¹¹⁴ Jereo i Petera. Tao anatin'ny olana i Petera, toy ny hoe ho faty izany izy. Ary nahita ny Tompo tonga izy, nandeha tambonin'ny rano. Ary hoy izy hoe, "Tompo, raha Ianao io, dia mandidia ahy hanatona."

Hoy ny Tompo hoe, "Manatona."

¹¹⁵ Ankehitriny hoy ve i Petera hoe, "Ankehitriny andraso iray minitra, Tompo, avelao aho handeha hifady hanina efaolo andro, mba hahita raha afaka handeha eo ambonin'io rano io aho, na tsia. O Tompo, avelao aho hahazo Fanahy ampy eo amiko, mba hahafahako mandihy ao amin'ny Fanahy sy hiteny amin'ny fiteny tsy fantatra, ato anatin'ity sambo ity, avy eo aho dia afaka handeha"? Tsia, tompoko! Nandray an'Andriamanitra tamin'Ny Teniny izy, namotsotra ary niala. Nikarakara azy Andriamanitra.

¹¹⁶ Ahoana moa raha nihaona tamin'i Mosesy Andriamanitra, ka hoy izy hoe, "Ry Mosesy, mandehana midina any Egypta,

ka lazao an'i Farao hoe, 'Avelao ny Oloko handeha'”? Ahoana moa raha hoy i Mosesy hoe, “Avelao aho handeha hifady hanina efapolo andro, aloha, ka hahita raha nahazo finoana ampy hankatoavako Anao aho, Andriamanitra. Omeo zavatra aho, zavatra hafa, Tompo. Avelao aho hiteny zavatra Aminao, avelao aho hahita raha miditra ao amin'ny Fanahy aho, aloha”? Tsy nametraka fanontaniana mihitsy i Mosesy, nandray an'Andriamanitra tamin'Ny Teniny fotsiny izy, dia niaina. Izany no fomba tokony hanaovanareo azy, raiso amin'Ny Teniny Andriamanitra. Avy eo dia fantatrarao fa afaka hahavita an'ilay izy ianareo. Tsy niandry izy mandra-pisehon'ny zavatra hafa iray, nandeha nandroso fotsiny izy ary nanao an'ilay izy.

¹¹⁷ Ahoana ny amin'i Elia, rehefa nidina avy tany amin'ny Tendrombohitra Karmela izy, nitoetra ela tany ambony tany? Ary nihaona tamin'ny vehivavy mpitondratena mahantra iray izy. Izy dia . . . Izy dia mpihavy iray, Jentilisa iray. Ary rehefa nihaona taminy izy tany, dia teo am-pitsimponana kitay izy, teny an-tokontany. Ary niteny taminy Andriamanitra hoe, “Mandehana midina mankao an-tranon'io mpitondratena io.” Toerana toy ny inona handehanan'ny mpitory teny izany!

¹¹⁸ Avy eo dia nandeha tany an-tranon'ilay mpitondratena izy. Ary rehefa vitany, dia nahazo kitay anankiroa izy. Hoy izy, “Manao inona ianao?”

¹¹⁹ Hoy izy, “Maka kitay kely aho. Manana koba kely ampy hanaovana mofo katsaka roa fotsiny aho. Izay ihany no sisa ananako. Telo taona izao no tsy nahazoanay ranonorana intsony.” Ary hoy izy, “Noho izany dia handeha hanamboatra an'ireto mofo katsaka ireto aho. Ka handeha hihinana azy ireo izaho sy ny zanako lahy, dia ho faty.”

¹²⁰ Hoy izy hoe, “Anaovy anankiray aho, aloha!” Haleloia! Oh, fantatro fa adala kely iray aho, saingy eo amin'ny lafin'ny an'ny Tompo aho, na ahoana na ahoana. Hoy izy, “Anaovy anankiray aho, aloha. Satria, HOY NY TOMPO HOE.” Eo ianareo izao.

¹²¹ Inona izany? “Katsaho aloha ny Fanjakan'Andriamanitra, sy ny Fahamarinany.” Tsy hoe ny Fanjakan'Andriamanitra sy “tabataba kely iray,” tsy hoe ny Fanjakan'Andriamanitra sy “fientanam-po kely iray,” tsy hoe ny Fanjakan'Andriamanitra sy “*ity* na *itsy* kely iray.” Fa, “Andriamanitra, sy ny Fahamarinany, dia hanampy ho anareo ireo zavatra hafa rehetra ireo.” Apetraho aloha!

¹²² Ankehitriny, nandre an'izany io mpitondratena io. “Ny finoana dia avy amin'izay norenesina, norenesina avy amin'ny Teny.” Hoy izy hoe, “Izany no Tenin'ny Tompo, satria lehilahy masin'Andriamanitra io. Mpaminanin'Andriamanitra io, ary fantatro fa izany no fahamarinana. Ary izany no Tenin'Andriamanitra.”

¹²³ Ankehitriny, tsy nandeha nihazakazaka nanontany an'ireo mpifanolo-bodirindrina izy hoe ahoana no hanaovana an'izany. Tsy tiany ny handeha hizara ny...sy hiteny amin'ireo mpifanolo-bodirindrina, manao hoe, "Ankehitriny, inona no hevitrareo? Ao an-tranoko ao ilay mpitory teny, milaza an'*ity*. Susie, ahoana ny hevitrao mikasika an'*ity*?"

¹²⁴ Niditra izy, nanomboka nanafoana. Niala izy. Nialany izay nananany, mba hahafahany hanana betsaka. Izay no ilain'izao tontolo izao amin'izao andro izao, dia ilay fialàna amin'ny fanao fahiny tsara an'izay anananareo. Haleloia! Nanafoana izy, mba hahafahany ho fenoina. Nofonanany ny diloilo rehetra izay nananany, sy ny diloilo rehetra izay nananany ary ny koba rehetra izay nananany, ho an'ilay mpitory teny, ho an'ny Fanjakan'Andriamanitra. Ary rehefa nofoanany tao izany rehetra izany, dia nidina Andriamanitra, nameno an'ilay barikan'ny koba, nameno an'ilay tavoaran-diloilo. Nofonanany indray izany, tao anatin'ny lovia'ilay mpitory teny. Dia tonga Izany, nameno an'ilay izy indray. Nofonanany. Isaky ny nanafoana izy, dia Izy no nameno.

¹²⁵ Hilaza aho, androany, raha hanaiky ny hanafoana an'io fahadalan'ny faharatsiana rehetra io ny olona, sy ny fakan-tahaka ny Kristianisma, ka hamela ny Fanahy Masina haka ny Toerany, dia hisy fifohazana iray hanomboka eo amin'ny Eighth sy Penn Street izay hamafa ny firenena manontolo. Atsaharo ilay fahadalana. Miverena amin'ny Tenin'Andriamanitra. Aoka ho foana, mba hahafahanareo ho feno. Mialà ianareo, dia hanaiky ho avy Andriamanitra. Aoka ho foana ianareo, dia Andriamanitra no hameno. Ireo zavatra tsy misy dikany rehetra, an'ny hoe, "Ianareo tokony hanao an'*ity*, ary ianareo tokony hanao an'*itsy*; ary ianareo tsy maintsy manao an'*ity* sy tsy maintsy manao an'*itsy*." Adinoy izany! Foano ao amin'ny fanahinareo izany!

¹²⁶ Manaova hoe, "Andriamanitra, avelao aho, manomboka amin'ity manontolo ity...ity andro ity, ho Anao manontolo. Tompo, manatona miaraka amin'ny fo torotoro aho. Manatona amin'ny fanahy manenina aho. Tiako Ianao. Fantatrao fa tiako Ianao. Ary te-hanadino an'io fahadalana rehetra an'ireo fifadian-kanina efapolo andro ireo io aho ka hahita raha afaka ho tonga akaiky kokoa an'Andriamanitra, sy ny rehetra amin'*ity*, *itsy*, ny *hafa*, io fahadalana rehetra io."

¹²⁷ Ajanònny izany! Tsy misy na inona na inona ao amin'ny Teny izay miteny aminareo hanao fifadian-kanina efapolo andro. Tsy misy. Tsy misy na inona na inona eto amin'izao tontolo izao miteny aminareo mba hifady hanina, raha tsy Andriamanitra no hiteny aminareo. Raha mifady hanina ianareo, dia tsy ho noana, sy mandeha any amin'ireo zavatra rehetra ireo. Raha mbola eo am-pifadian-kanina ianareo, rahalahy, dia ho faly sy ho sambatra foana. Hoy Izy, "Aza miseho eo anatrehan'ny olona

tahaka ny ataon'ireo mpihatsaravelatsihy, miaraka amin'ny tarehy lava, malahelo. 'Eo am-pifadian-kanina efapolo andro aho izao. Tsy antonona ahy intsony ny solonifiko. Very telopolo livatra aho, nefa izy ireo niteny tamiko fa ho tsaratsara kokoa aho rehefa tapitra ity.'" Oh, fahadalana! Fanahy mamitaka avy amin'ny Devoly izany.

¹²⁸ Mitsangana mankeny amin'ny alitara, dia manao hoe "voninahitra, voninahitra, voninahitra" mandra-pahatonganareo zara raha afaka hiteny zavatra hafa, ka manao hoe, "Tsy maintsy miteny amin'ny fiteny tsy fantatra ianareo alohan'ny hahazoanareo ny Fanahy Masina." Fahadalana! Foano izany!

¹²⁹ Esory hiala ao amin'ny rafitrareo izany ary tongava eo amin'ny Tenin'Andriamanitra! Hoy izy hoe, "Mibebaha, ny tsirairay avy aminareo, ka aoka hatao batisa amin'ny Anaran'i Jesosy Kristy ho famelana ny fahotanareo, ary ianareo handray ny fanomezan'ny Fanahy Masina." Raha tsy mihazona Ny Teniny Andriamanitra, dia tsy Andriamanitra Izy. Amena. Foano. Aoka ho fenoina. Amena. Fioo! Tiako izany. Izany Ny Teniny. Andriamanitra no niteny an'izany. Marina izany. Ary rehefa Andriamanitra no niteny an'izany, dia Andriamanitra no hikorakora an'izany. Eny àry. Ny fiomanana rehetra izay ataonareo, ny fandehanana any am-piangonana rehetra izay ataonareo...

¹³⁰ Izany dia tahaka ny eto mihitsy ao amin'ireo orin'asan'ny vagao izay hanamboaran'izy ireo andiana fitateran'entana goavana iray, na andiana vagao fitateran'olona goavana iray. Efa niasa tao aho taloha. Ary maka izy ireo ka manamboatra an'ireo kalesy goavana sy ny sisa, ary mametraka hazo mafy, asiany hazo rotra ny manodidina rehetra, sy ny sisa izay tena mahafinaritra, mametraka azy eo amin'ilay lalamby, ary izany no tena zavatra maty iray. Nipetraka teo ilay milina, tsy nisy entona tao anatin'ny. Nipetraka teo fotsiny izy.

¹³¹ Ny ilainy androany dia afo iray ao anatin'ny fatana fitenehana. Ny ilainy androany dia entona iray. Ny ilainy androany, ilay fiangonana, hangotraka; ny zavatra mangotraka mafana indrindra izay misy mba hampangotraka ny fahotana hiala amin'ny fiainanareo, dia ny fitiavana. Ary raha tsy afaka mifankatia ianareo, dia ahoana no hitiavanareo an'Andriamanitra Izay tsy hitanareo? Manafina ota maro be ny fitiavana. Aoka ho raiki-pitia amin'Andriamanitra, amin'izay fotoana izay dia hifankatia ianareo, amin'izay fotoana izay dia ho tianareo ny fiangonana, ho tianareo ilay Antony, ho tianareo ny zavatra rehetra izay masina, ary hiala lavitra amin'ireo zavatr'izao tontolo izao ianareo.

¹³² Ireo fanahy mamitaka izay mandeha ka miteny amin'ny olona an'ity, itsy, na ny hafa, "Izy ireo tsy maintsy manao

an'ity. Izy ireo tsy maintsy manao an'itsy.” Izany dia satria nipoitra ireo anaram-piangonana ireo, ka nahazo fanambarana kely izy ireo izay ilazany hoe, “Eny, ankehitriny, mino aho fa ny lehilahy iray. . . Mino an'izany karazana fiantsoantsoana izany ao amin'ny Baiboly aho.” Marina izany. Izany no fahamarinana. Nanao anaram-piangonana avy amin'izany izy ireo hoe, “Rehefa miantsoantso ianareo, dia manana Azy.” Saingy tsy manana ianareo.

¹³³ Nipoitra ny anankiray manaraka, nanao hoe, “Miteny amin'ny fiteny tsy fantatra.” Marina izany. Ao amin'ny Baiboly izany. “Eny, rehefa miteny amin'ny fiteny tsy fantatra ianareo, dia manana Azy.” Saingy maro amin'izy ireo no niteny tamin'ny fiteny tsy fantatra nefa tsy nanana Azy. Hitanareo? Tsy izy Izany. Tsia, tompoko.

Maro amin'izy ireo no nanao hoe, “Eny, tsy maintsy maminany isika.”

¹³⁴ Jereo ireto mpaminany eto ireto niaraka tamin'ny tandroka teny amin'ny lohany, nitsambikina ambony-sy-ambany ary naminany. Hoy i Mikaia hoe, “Ianareo dia, ny tsirairay avy, mandainga.” Amena. Marina. Tsy tonga tahaka an'izany Andriamanitra. Tonga eo amin'ny fo tsotra Andriamanitra izay manatona amin'ny fanahy manenina, torotoro. “Izay mivoaka, ka mamafy amin-dranomaso, dia hiverina indray tsy am-pisalasalana hifaly, hitondra miaraka aminy an'ireo amboara sarobidy.” Amena. Fantaro tsara izany, ry sakaiza.

¹³⁵ Demonolojia be loatra, ireo demony izay miasa ao amin'ny fanahin'olombelona! Diniho hoe aiza no itondrany an'ireo voany. Diniho hoe karazam-piainana inona no iainan'ily olona. Jereo ireo fomba izay ihetsahan'izy ireo, diniho ny fomba izay ataon'izy ireo, jereo hoe inona ireo antony. Tena tsy mety mihitsy ilay izy. . . Ary raha niteny taminareo aho hoe, “Ny fomba tokana. . . Misy fiara mipetraka eto, milahatra eto daholo. Any Charlestown ny Lanitra. Tsy afaka handeha tongotra ianareo. Ny fomba tokana hahafahanareo mandeha, dia fiara iray. Ary ny olona rehetra izay mandeha eo amin'ily lalana dia tsy maintsy mitondra solika dimy gallons.” Io eto io ny fiarany, saingy raha tsy manana solika izy dia tsy afaka ny hampandeha azy. Eny, toy izany marina, tanteraka tokoa ny any An-danitra. Raha maty tsy manana an'Andriamanitra ianareo, tsy ahoako na ahoana no niainanareo sy hoe firy ny fiara namboarinareo, raha tsy ao ilay fitiavan'Andriamanitra mba hisintona anareo ho ao amin'ny Fanjakan'Andriamanitra, dia very ianareo.

¹³⁶ Misy ny negatifa sy ny pozitifa. Tsy mampaninona na firy ny herin'aratra pozitifa mandeha eto, raha tsy manana an'ily tariby mankany amin'ny tany izy, dia tsy hazava mihitsy. Marina izany. Tsy maintsy mamaka, mifahatra ao amin'ny fitiavan'Andriamanitra ianareo. Oh, rahalahy! Ento miaraka

io negatifa sy pozitifa io, dia hahazo Hazavana ianareo, ilay Hazavan'ny Filazantsara amin'ny fanao fahiny tsara. Aoka hiparitaka isaky ny morona Izany. Tsy hanana Azy mihitsy ianareo raha tsy misy an'izany. Tsy mampaninona na firy na firy fandraisan-tànana sy fitsambikinana azonareo atao miaraka amin'ilay pozitifa, fa tsy maintsy manana an'ilay tariby mankany amin'ny tany ianareo mba hampanjelatra an'ilay hazavana. Amena.

¹³⁷ Efa mba voamarikareo ve? Apetraho eto ambonin'ity ny tariby mankany amin'ny tany iray, ary ny kely tsirairay dia midina tanteraka eto ao anatin'ilay toerana ambany, any ambanin'ny tany avy hatrany. Ary isaky ny mamaka sy mifahatra amin'ny Tenin'Andriamanitra ny olona iray, dia mampamaka sy mampifahatra azy eo Kalvary izany, any, izay misy ny vatofantsika, ny andrim-pamatoran'Andriamanitra izay nentina teo, mba hampanjelatra ny Hazavan'ny Filazantsara. Amena.

¹³⁸ Fantatrareo ve hoe inona ny olana? Ny olona ao anatin'ireo tranom-paty goavana mangatsiaka ara-pomba eto ireo, izay mody mitory ny Filazantsara. Nanatona ahy ny mpitory teny kely iray omaly, izay mikambana amin'ny anankiray amin'ireo anaram-piangonana lehibe indrindra izay misy eto amin'ny firenena amin'izao andro izao, ankoatry ny Katolika. Hoy izy hoe, "Rahalahy Branham, marary sy reraka aho." Hoy izy, "Hanao anay mpitory teny rehetra hitondra an'ireo akanjo izy ireo sy hamadika ny vozon'akanjonay, ka-ka hitory zavatra hafa. Ary izy ireo no hiteny aminay an'izay hotoriana, isan-telo volana." Hoy izy hoe, "Tsy ho tantiko intsony izany." Hoy izy hoe, "Inona no tokony hataoko? Tokony hanomboka hitory ny Filazantsara ve aho?"

¹³⁹ Hoy aho hoe, "Rahalahy, raha mbola miaraka foana amin'io anaram-piangonana io ianao, dia hajao izy. Lazao fotsiny izay asain'izy ireo lazaina. Fa mandehana mankany amin'ny presbyteranao na ny mpifehy amboninao ara-panjakana, ka manaova hoe, "Tompoko, izaho dia efa nateraky ny Fanahin'Andriamanitra indray. Ity ny Tenin'Andriamanitra. Raha havelanao hitory an'Izany aho, dia hijanona ao amin'ny fiangonanao. Raha tsy mamela ianao, dia handeha aho. Omeo olon-kafa iray izany." Izany no fomba hanaovana azy. Aza mihodinkodina etsy sy eroa. Aza negatifa. Mivoaha dia lazao hoe inona ilay izy. Marina.

¹⁴⁰ Hoy izy hoe, "Rahalahy Branham, mihevitra ve ianao fa hanana fiangonana aho?"

¹⁴¹ Hoy aho hoe, "Any amin'izay misy ny Faty, no hiangonan'ny Voromahery." Marina izany, hanaraka izy ireo.

¹⁴² Tahaka an'ilay lehilahy, indray mandeha, izay nampikotrika akoho. Ankehitriny, tsy vazivazy izany. Tsy vazivazy no tiako ilazana azy. Ho an'ny tanjona iray no tiako ilazana azy. Nandeha

nametraka ny akohony izy, ary tsy nanana atody betsaka izy. Nasiany atodin-ganagana iray tao ambanin'ny anankiray. Ary rehefa foy izy rehetra, dia ilay ganagana no zavatra nahatsikaiky indrindra izay hany hitan'ireo akoho. Noho izany dia nikohokoho an'ireo akoho ilay akohovavy ary nanatona ireo akohokely, saingy tsy fantatr'ilay ganagana io fiteny io. Fa, indray andro, dia notarihin'ilay akohovavy antitra tany ambadiky ny tranom-biby izy ireo. Nisy renirano kely iray tao ambadik'ilay tranom-biby. Rehefa nanimbolo an'io rano io ity ganagana kely ity, dia nihazakazaka nankany amin'ilay rano haingana arak'izay azony nandehanana izy. Hoy ilay akohovavy antitra hoe, “klak, klak, klak.” Dia hoy ilay ganagana kely hoe, “honk, honk, honk.” Nandroso nankany amin'ilay rano izy. Nahoana? Ganagana iray izy, ara-natiora. Rehefa nanimbolo rano izy, rahalahy, dia tsy afaka ny nanalavitra an'izany, satria ganagana iray izy.

¹⁴³ Ary milaza aho androany, ny olona rehetra izay tena te-hahita an'Andriamanitra, dia tsy hamela fiangonana iray handidy azy amin'ireo zavatra izay tsy azon'izy ireo iainana, *itsy* na ny *hafa*. Raha manana ny natioran'Andriamanitra ianareo ao anatinareo, dia handeha ho amin'ny fahamasinana ianareo. Handeha ho amin'ny zavatra tsara ianareo. Hanohana ny zavatra tsara ianareo. Hanao ny zavatra tsara ianareo. Hieritreritra ny zavatra tsara ianareo. Hiaina ny zavatra tsara ianareo. Raha ganagana iray ianareo, dia tia rano. Raha Kristiana iray ianareo, dia tia an'i Kristy. Raha devoly iray ianareo, dia tia an'ireo zavatra ny Devoly. Raha voltora iray ianareo, dia mihinana an'ireo zavatra maty. Raha kisoa iray ianareo, dia hihinana zezika. Aiza no misy anareo androany? Marina. Mihambo ho eto ambony eto ianareo, mihinana an'ireo zavatra ny Tompo, avy eo ve dia hidina ambony ka hitrongy miaraka amin'ny Devoly? Misy zavatra tsy mety amin'izany. Ajanòny ny fihainoana an'ireny fanahy ireny; devoly izy ireo. Tsy mampaninona na tsy maintsy hitoetra irery ianareo. Ireo lehilahy sy vehivavy izay hany tsy nitontaly na inona na inona, saiky, dia lehilahy sy vehivavy izay nitoetra irery niaraka tamin'Andriamanitra.

¹⁴⁴ Jereo i Mikaia, ahoana no nijoroany teo; tsy toy ny vatolampin'i Gibraltara, fa ireo Vatolampin'ny Taona. Hoy izy hoe, “Tsy hiteny na inona na inona aho...Tsy ahoako izay lazain'ny seminera. Tsy ahoako izay lazain'ny fiangonako. Tsy ahoako izay lazain'ny mpanjaka. Raha tapahan'izy ireo ny lohako, dia hilaza fotsiny ihany an'izay apetrak'Andriamanitra eo am-bavako mba ho lazaina aho.” Marina ny azy. Marina ny azy.

¹⁴⁵ Ary amin'izao andro izao, ry lehilahy sy vehivavy, aza miraharaha an'izay homen'izao tontolo izao anareo, ny fitsaboana izay ananany, ny karazana vaksiny fanefitra izay ananan'izy ireo, ka mihambo hoe, “Raha mikambana amin'ny

fiangonana ianareo, dia ho tena tsara ianareo.” Vaksiny sandoka izany. Nahoana? Mbola manana an’ily aretim-pahotana foana ianareo. Marina izany. Fa miteny zavatra anankiray aminareo aho, rahalahy, izay hanao vaksiny anareo hiala amin’ny fahotana, izany dia, ny manatona an’ily Rà sarobidin’ny Tompo Jesosy Kristy ka ho fenoina ny Fanahy Masina, ary izany no hanao vaksiny anareo hiala amin’ny fahotana rehetra, ary ireo fanirianareo dia ho an’ny Lanitra, ka tsy hanam-potoana ho an’ireo zavatr’izao tontolo izao ianareo.

Hivavaka isika.

¹⁴⁶ Rainay An-danitra, rehefa mahita an’ireo fanahy mamitaka ireo eo amin’ny olona izahay, ka mahafantatra fa manamavo an’ireo zavatr’Andriamanitra izy ireo, mivavaka aho, Andriamanitra, mba Hihazonanao ny lehilahy sy vehivavy rehetra ato androany. Aoka mba ho ity no andro iray, Tompo, izay hahafantaran’izy ireo fa tsy mifanaraka tsara amin’ny Teny ny fiainan’izy ireo. Ary efa nihaino zavatra diso izy ireo, ka ilay Devoly no nampitonitony azy ireo tamin’ireo magazina ratsy True Story, fahalòvam-pahadalana ratsy an’izao tontolo izao, sy fampisehoana sarimihetsika ratsy ary televiziona maloto. O Andriamanitra, ireo zavatra toy izany izay tsy azon’ny Kristiana atao mihitsy ny mijery azy! Andriamanitra, mankarary anay izany. Ianao no nilaza fa nankarary Anao izany, tahaka ny lò. Hoy Ianao hoe, “Ny alika no mandeha eo amin’ny lòany, ary ny—ny kisoa no mandeha eo amin’ny fotany.” Ny alika antitra iray dia handò zavatra iray. Ny mahita olona ratsy iray nateraka tapany, natao ho, mpihatsaravelatsihy manatona ny alitara, ka toy ny hoe handò an’izao tontolo izao ianareo; nefa mbola manohy hatrany, miverina avy hatrany izy ireo ka mihinana an’ily zavatra indray. O Andriamanitra, diovy Ny Tranonao, Tompo. Haleloia! Iraho ny Fanahy Masina miaraka amin’ily faharesen-dahatry ny andro fahiny izay hanadio an’ireo fanirian’ny olona iray sy hanadio ny fanahiny, ary hanadio azy tanteraka ka hanao azy ho olona an-dàlana ho any An-danitra. Omeo azy... Avaozy ny hatanorany sy ireo voadiny tahaka ny voromahery, mba hahafahany hiakatra sy hioatra an’ireo zavatr’ity izao tontolo izao ity, ka hiakatra any An-danitra any izay hahafahany hahita an’ireo olona avy lavitra. Ekeo izany, Tompo.

¹⁴⁷ Nampitovy an’ireo Mpaminaninao tamin’izy ireny Ianao, tamin’ireo voromahery, izay nanana ny masom-boromahery, afaka nandeha tany amin’ny avo ka nahita an’ireo zavatra ela be talohan’ny nisiany teo. O Andriamanitra, tahio ity fiangonana kely ity. Tahio ireto olona izay tonga eto ireto. Tahio ireo vahiny izay ao amin’ny vavahady androany. Ary aoka ho fantatr’izy ireo fa ity Hafatra ity dia tsy nalefa ho an’ny olona manokana, fa nalefa indrindra, Tompo, ho an’ireo izay tena mila zavatra

lalina tokoa; mahafantatra fa indray andro any dia tsy maintsy hiara-hitsangana ao amin'ny fitsaran'Andriamanitra izahay, ary mahafantatra fa ho tazonina ho tompon'andraikitra izahay noho ny fahafantarana ny Fahamarinana nefa tsy nilaza an'Izany. Ray, mivavaka aho mba ho voaray ao amin'ny fo tsirairay Izany. Amin'ny Anaran'i Jesosy.

148 Miaraka amin'ny lohantsika miondrika vetivety fotsiny, dia manontany aho raha misy olona eto izao maraina izao hilaza hoe, “Rahalahy Branham, marary sy reraka amin'ireo zava-dratsy kely ireo aho. Manana zavatra kely tsy misy dikany aho izay miraikitra amiko ela loatra. Izaho—izaho dia miresaka any amin'ny tsy izy foana. Izaho—izaho dia manao an'ireo zavatra tsy tokony hataoko, nefa fantatro ilay izy. Tsy mendrika ny Kristiana iray izany. Tsy te-hanao an'izany aho; Andriamanitra no mahafantatra fa tsy te-hanao aho. Ary tsy te-hihaino an'ilay fanahy ratsy intsony aho. Izany no zavatra izay nanakana ahy nandritry ny fiainako rehetra, tsy hanana ny tena fitiavana sy ny fahafahana tao amin'i Kristy. Tiako ianao hivavaka ho ahy, Rahalahy Branham, ka izany dia—izany dia hiala amiko amin'ity andro ity.” Hanangana ny tânanareo ve ianareo? Ny loha rehetra miondrika. Andriamanitra hitahy anao. Oh, oadray, tânana roa ambin'ny folo! Ireo zava-dratsy kely tsy misy dikany, ireo zava-dratsy kely izay manao anareo hiresaka na hanomboka karazana fifamaliana kely ao am-piangonana, manao anareo hiandany amin'ny zavatra hafa tahaka an'izany. Oh, tsy masina izany. Izany no fisaraham-bazana eo anivon'ny rahalahy. Ary aza manao an'izany. Tsy mila an'izany ianareo. Tsy mila an'izany ianareo sy ireo zava-dratsy kely ireo, ireo fahatezeran-dratsy kely sy ny sisa hafa, hihazona anareo.

149 Manaova hoe, “Andriamanitra, tsy mila an'izany zavatra izany intsony aho. Marary sy reraka ny amin'izany aho. Vonona aho androany ny hanary an'izany. Manatona aho ankehitriny, Tompo, ary te-hiala lavitra amin'ny fitiavan-tenako aho. Raha tsy mitondra ahy tsara ny rahalahiko, dia hivavaka ho azy aho na ahoana na ahoana. Raha tsy mitondra ahy tsara ny dadako, dia hitia azy aho na ahoana na ahoana. Raha tsy mitondra ahy tsara ny vadiko vavy, na ny vadiko lahy, dia hanohy aho, hanetry tena, eo anatrehan'Andriamanitra. Tompo, mijery fotsiny ihany Ny Fanjakanao aho. Tiako hahitsy ny fisainako. Tiako ho feno fifaliana ny foko. Te-hanohy aho, rehefa tena mimonomonona manodidina ahy ny olana, dia mbola te-hijanona foana miaraka amin'ireo tânako mitsangana sy ny foko madio eo Anatrehanao aho, Tompo, mahafantatra an'izao, hoe indray andro any dia hihaona Aminao aho. Mila an'izany karazana fahatsapana izany aho. Tompo, ataovy tahaka an'izany aho, manomboka amin'ity andro ity.”

¹⁵⁰ Hanangana ny t̄ananareo ve ianareo, ny olona izay tsy nanangana ny t̄anany teo. Andriamanitra hitahy anao. Andriamanitra hitahy anao. Ranabavy, omeo naoty kely izahay raha mbola manana ny lohantsika miondrika isika. Toy ny ahoana no tena haha-matotra anareo amin'izany? Aza milalao ankehitriny. Tsy fotoana filalaovana izao. Fotoana fandraisana izao. Izao no fotoana izay tsy maintsy handraisanareo Azy. Avia, foano izany izao ankehitriny izao. Sitrakareo ve? Avia, omeo an'Andriamanitra izay rehetra anananareo. Manaova hoe, "Andriamanitra, tsy tena manana betsaka aho. Mpikarakara tokantrano kely iray fotsiny aho. Tsy afaka mahavita betsaka aho, Tompo, saingy izaho—izaho dia afaka mamaky Ny Baibolinao, afaka mivavaka isan'andro aho. Afaka manipy an'ilay fako rehetra izay ao anatin'ny saiko aho. Afaka manipy an'io karazany rehetra io aho. Meloka amin'ireo zavatra betsaka izay nolazain'io mpitory teny io izao maraina izao aho, noho izany aho—aho dia manafonana an'izany androany. Tsy mila an'izany aho. Andriamanitra, fenoy fitiavana aho. Fenoy an'ilay zavatra izay manao ahy ho tia ny fahavalo ratsy indrindra izay ananako aho. Tena mila an'izany aho, Tompo."

¹⁵¹ Raha mbola mitendry izy eto, dia tsy ho avy ve ianareo ankehitriny ka hitsangana eo amin'ny alitara vetivety fotsiny, raha miangona miaraka amin'ny tonom-bavaka iray isika. Raha tena matotra amin'izany ianareo ankehitriny, raha tena vonona ny hahafoy an'izany ianareo, dia tsy handao an'ity alitara ity mihitsy ianareo androany miaraka amin'izay ao am-ponareo, raha ho tonga amin'ny fahatsoram-po ianareo. Ary manaova hoe, "Miakatra eto fotsiny aho mba hitsangana, iray minitra fotsiny, Rahalahy Branham, hia, raha hanana tonom-bavaka iray ianao miaraka amiko, manokana." Izaho—izaho dia mila anareo ho avy, hivavaka. Ho avy ve ianareo ankehitriny? Miaraka amin'ny lohanareo miondrika, iza no hitsangana ka hanatona ny alitara, hijoro manodidina ny alitara?

Aza mandalo ahy, O ry Mpamonjy mora,
Henoy ny antsoko tsotra;
Rehefa eo amin'ny hafa Ianao no miantso,
Oh, aza mandalo fotsiny ahy.

Ry Mpamonjy, ry Mpamonjy,
Henoy ny antsoko tsotra;
Rehefa eo amin'ny hafa Ianao no miantso,
Oh, aza mandalo ahy.

¹⁵² Tsy mampaninona na oviana na oviana no efa naha-Kristiana iray anareo, ka mbola manana foana an'ireo fanahy ratsy kely ireo izay miresaka aminareo ianareo, manao anareo ho mora misendaotra, manao anareo hiresaka mikasika olona iray. Raha tonga ny olona iray ka mandeha mba hiresaka mikasika ny olona iray hafa, ka avy dia mikambana amin'izy ireo ianareo ary, oh, manitsakitsaka azy ireny mihitsy. Ratsy

izany, rahalahy. Aza manao an'izany. Hihazona anareo tsy ho ao amin'ilay Tany nampanantenaina izany amin'ny farany. Raha manana fotsiny an'ireo zava-dratsy kely izay tsy tokony anananareo ianareo, raha tsy tena ao anatin'ny fonareo tokoa ny fitiavan'Andriamanitra, tsy te-ho ramatoa sy lehilahy ve ianareo, hiakatra ka hanao hoe, "Andriamanitra, eto mihitsy no hanafoanako an'izany, izao maraina izao, eto mihitsy. Hiala eto amin'ity alitara ity aho ho olona hafa iray." Ho avy ve ianareo?

¹⁵³ Misy mpanota iray ve izay tsy nanaiky an'i Jesosy mihitsy, ka fantatrareo fa mpanota iray ianareo, tsy nahafantatra Azy ho Mpamonjinareo ianareo? Hoy ianareo hoe, "Rahalahy Branham, eny, nihevitra aho fa nanana fahafinaretana betsaka. Mandeha any amin'ireo fandihizana sy fety ary ireo zavatra rehetra ireo aho. Mijery an'ireo karazana fampisehoana ratsy aho. Ary izaho—izaho dia mamaky an'ilay karazana literatiora ratsy. Mamaky an'ireo boky tranainy izay misy an'ireo tantara ratsy ao anatin'ny aho. Faly mihitsy aho mamaky azy." Rahalahy, misy zavatra tsy mety ao aminareo ao. Izany no fanirianareo; hitanareo, avelao aho hahita izay vakian'ny olona iray, avelao aho hahita an'izay jereny, hihaino ny mozika izay henoiny.

¹⁵⁴ Indray andro, nandeha tamin'ny fiara iray aho, nanatsotra tànana ny olona iray ary namelona ny radio-ko, karazana mozika tranainy ratsy iray. Hoy aho hoe, "Vonoy io zavatra io. Tsy te-hihaino an'izany aho." Karazana boogie-woogie ratsy iray.

Hoy izy, "Nahoana, tiako ny mihaino an'izany."

Hoy aho hoe, "Ratsy ny natioranao. Diso ianao."

¹⁵⁵ Rehefa teto aho, andro vitsy taorian'izany, teny an-tsisin-tendrombohitra na an-tsisin-kavoana, nanjono, niaraka tamin'ilay olona. Nihira ireo voronkely. Niantsoantso ireo sorohitra. Nanidina teny amin'ny habakabaka ilay maritaina antitra, na toloho, nihira fiderana. Niantsoantso an'io tovolahy io aho, hoy aho hoe, "Jereo, ry tovolahy, izany no mozikako. Tohizo alefa izany. Izany no radio-ko. Andriamanitra no mandefa azy ireo hihira ho ahy raha mbola eto aho. Izany no mampitony ny fanahiko."

¹⁵⁶ Tsara kokoa noho ilay karazana hadalana ratsy rehetra izany, ireo juke-box ratsy mihorakoraka, mandeha, izay tsy hahafahanareo mihinana eny amin'ny toerana ho an'ny be sy ny maro akory aza. Sakafon-Devoly izany. Antontan-Devoly izany, ny rehetra mifangaro amin'ny ota. Mihosikosina ao ve ianareo rehetra ka faly amin'izany? Rehefa mametraka ny volany ao amin'ireo boaty kely ratsy ireo izy ireo, ka tonga io karazana loto ratsy rehetra io, dia faly amin'izany ve ianareo? Mbà menatra ianareo. Mpiverin-dàlana iray ianareo. Lavitra an'Andriamanitra ianareo. Tsy mahafantatra an'Andriamanitra ianareo. Raha nahafantatra an'Andriamanitra ianareo, ao amin'ny famelàna ny otanareo,

dia tsy ho nihaino ny fahadalana tahaka an'izany mihitsy ianareo. Ho faty izany aminareo. Ianareo dia—ianareo dia handò an'izany. Tsy tianareo izany. Tsaratsara kokoa ny sakafonareo. Tia an'Andriamanitra ianareo. Tsy ho avy ve ianareo izao maraina izao, handohalika eto miaraka amin'ireo mpiaina izao maraina izao?

¹⁵⁷ Indro ireo lehilahy sy vehivavy mandohalika eto mihitsy, izay efa Kristiana nandritry ny taona maro. Tsy manao azy ireo ho tsy kristiana aho. Fa ny ezahako hatao dia ny miteny amin'izy ireo fa io devoly io, izay manahiran-tsaina azy ireo, no manakana azy ireo amin'ilay Fifaliana feno. Ny Fanahy Masina no Fifaliana. Eny, mifoha aho dia mamo, mandeha matory aho dia mamo, mamo aho mandritry ny andro manontolo, mamo mandritry ny alina manontolo. Oh, izaho fotsiny—izaho fotsiny dia tia an'izany. Mandeha manjono aho miaraka amin'izao, “Aza mandalo ahy, O ry Mpamonjy mora. Henoy ny antsoko tsotra.” Mandeha mihaza aho, ary mihira fiderana an'Andriamanitra. Mitory teny aho, na aiza na aiza alehako. Tsy mba te-ho tahaka an'izany ve ianareo? Feno ny Fanahy Masina, mampientana anareo Izany. Oh, oadray! Hihaino azy ireo mihira an'ireo hira ratsy maloto ve? Afaka mihira an'izao ianareo:

An-dàlana ho any amin'ilay Tany
nampanantenaina aho,

An-dàlana ho any amin'ilay Tany
nampanantenaina aho;

O iza no ho avy ka handeha hiaraka amiko?

An-dàlana ho any amin'ilay Tany
nampanantenaina aho.

An-dàlana ho any amin'ilay Tany
nampanantenaina aho,

An-dàlana ho any amin'ilay Tany
nampanantenaina aho;

O iza no ho avy ka handeha hiaraka amiko?

An-dàlana ho any amin'ilay Tany
nampanantenaina aho.

Rehefa tratrako ilay fitsaharana feno
fitahiana,

Ka ho voatahy mandrakizay!

Rahoviana no ho hitako ny tavan'ny Raiko,

Ka hitsahatra eo an-Tratranany?

An-dàlana ho any amin'ilay Tany
nampanantenaina aho,

An-dàlana ho any amin'ilay Tany
nampanantenaina aho;

O iza no ho avy ka handeha hiaraka amiko?

An-dàlana ho any amin'ilay Tany
nampanantenaina aho.

158 Tsy ho avy ve ianareo, handeha? Tsaroako rehefa nitsangana tany ny teo amin'ny dimanjato tamintsika rehefa nanao batisa roapolo amby zato aho, saika tamin'izao vanin-taona izao, teto tao amin'ireo moron'ilay renirano, rehefa tonga ka namirapiratra teo amin'ny renirano ilay Kintan'ny Maraina. Haleloia! Nisy Feo iray niteny avy tao amin'Izany, nanao hoe, "Indray andro any dia hanely ny Filazantsara manerana an'izao tontolo izao ianao." Ahoana no ahafahan'ny mahantra iray, tovolahy kelin'ny toeram-piompiana, tsy mahay mba hanao an'izany? Ny fahasovan'Andriamanitra! Amena.

159 Oh, iza no ho avy ka handeha? Ialao, esory, ny mitambesatra rehetra ankehitriny. Aza mihaino an'ireo fanahy mamitaka ireo. Avia, henoy ny Tenin'Andriamanitra, HOY NY TOMPO HOE! "Sambatra ireo noana sy mangetaheta ny fahamarinana, fa izy ireo no ho vokisana."

160 Ndao isika hanondrika ny lohantsika ankehitriny raha mivavaka miaraka amin'ireto eto amin'ny alitara ireto isika.

Rankizy malala, tiako ianareo hahatsiaro, izao maraina izao, fa eo ianareo mba hanaisotra an'izay mitambesatra. Eo ianareo hanaisotra an'izay mitambesatra rehetra sy ny ota izay malaky mahazo anareo. Paoly no niteny an'izany, ao amin'ny Hebreo, ny toko faha-12.

...hita fa isika...dia voahodidindin'ny vavolombelona toy ny rahona lehibe tahaka an'izany, dia aoka isika hanaisotra an'izay rehetra mitambesatra, sy ny ota... izay malaky mahazo antsika,...

Ary inona koa no ho lazaiko? fa...ny andro dia tsy...hilaza an'i Gideona,...an'i Balaka, Baraka,... an'i Samsona,...an'i Jefta; an'i Davida...an'i Samoela, ary ireo mpaminany:

Izay nandresy fanjakana tamin'ny finoana, niasa fahamarinana, nahazo ny teny fikasana, nanakombona ny vavan'ny liona,

Namono ny fidedadedan'ny afo, afaka tamin'ny lelana-tsabatra, raha nalemy dia nampahatanjahina, ary natao ho...mahery...nampandositra ny fahavalo...

Ary ireo vehivavy dia nandray ny azy efa maty fa nitsangana ho amin'ny fiainana...

Ary ny sasany nahazo fampijaliana, fanesoana sy kapoka mahatsiravina,...ary koa, mihoatra noho izany koa, ireo fatorana sy tranomaizina:

Ary—ary ny sasany izay tratry ny fizahan-toetra... fanesoana...fikapohana...

...izy rehetra dia nahazo laza tsara noho ny finoana,...

Ary ireo rehetra ireo, dia nahazo laza tsara noho ny finoana, nefa tsy nandray ny teny fikasana:

Andriamanitra no efa nanomana ny zavatra tsaratsara kokoa ho antsika, ka raha tsy misy antsika izy ireo dia tsy afaka ny hatao tanteraka.

Koa amin'izany hita fa isika...dia voahodidin'ny vavolombelona toy ny rahona lehibe tahaka an'izany, dia aoka isika hanaisotra an'izay rehetra mitambesatra, sy ny ota...izay malaky mahazo antsika, mba hahafahantsika hihazakazaka amin'ny faharetana an'ilay fihazakazahana izay eo anoloantsika,

Mijery an'i Jesosy ilay mpanao sy mpanefa ny finoantsika; izay naharitra ny hazo fijaliana mba hahazoany ny fijaliana izay napetraka teo anoloany, tsy nitandro henatra, ka...mipetraka eo an-tànana ankavanan'ny seza fiandrianan'Andriamanitra.

¹⁶¹ Jesosy, tao amin'ny Fivavahany, dia nanao hoe, “Ray, manamasina ny Tenako Aho.” Lasa nohamasinina Jesosy, ho an'ilay Fiangonana. Afaka nanambady Izy, saingy tsy Nataony izany. Lasa nohamasinina Izy. Hoy Izy hoe, “Manamasina azy ireo, Ray, amin'ny Fahamarinana. Ny Teninao no Fahamarinana.”

¹⁶² Ankehitriny ndao isika hanaisotra izay rehetra mitambesatra. Manana fahatezerana ve ianareo? Manana zavatra iray ve ianareo mikasika anareo, izay manao anareo hiteny raha tokony tsy hiteny? O Andriamanitra! Apetraho izany ankehitriny. Apetraho eo izany, diniho ilay Afon'ny alitara izay midina sy manala an'izany. Diniho ilay fitiavan'Andriamanitra milelaka an'izany. Diniho io fitiavan-tena rehetra io, ny fomba izay niresahanareo tamin'ny vadinareo vavy, ny fomba izay niresahanareo tamin'ny vadinareo lahy, ny fomba izay niresahanareo tamin'ny mpiara-monina aminareo, ny fomba izay niresahanareo mikasika an'ireo olona ao amin'ny fiangonana, apetraho eto amin'ny alitara izany izao maraina izao, dia hidina ilay Afon'Andriamanitra ary haka an'izany avy hatrany, ka ny fitiavana Masina no hirehitra eo amin'ny toerany.

¹⁶³ Manana aretina ve ianareo? Apetraho eto amin'ny alitara izany, manaova hoe, “Tompo, inty ilay izy. Amoròny fanahy madio ato amiko. Amoròny herin'ny fanasitranana ato amiko.” Jereo izay hataon'Andriamanitra. Andriamanitra no hanao an'izany izao maraina izao.

¹⁶⁴ Rainay An-danitra, miondrika eo amin'Ny Fanatrehanao izahay, ho an'ireo izay eto amin'ny alitara. Aoka ny Fahasoavanao hitoetra eo amin'ny tsirairay avy amin'izy ireo, Ray. Ankehitriny raha izy ireo...Tompo, tsy afaka

ny hanao an'izany ho azy ireo aho. Izy ireo no tsy maintsy manao an'izany ho an'ny tenany. Tsy misy olona afaka hanao an'izany ho azy ireo. Izy ireo ihany no afaka hanao an'izany. Aoka ny fanahin'izy ireo ankehitriny no hiteny amin'ny tenany hoe, "O Andriamanitra, ity fahatezerana ity, dia apetrako eto ambany eto izany, Tompo. Tsy handray azy intsony aho. Tsy mampaninona izay ho tonga na ho lasa, havelako handeha izany, manomboka izao. Ity lelako izay mora maka an'ireo andaniny miaraka amin'ny vondron'ny mpifosa ity, Tompo, hapetrako eto ambany eto izany. Tsy handray azy intsony indray aho. Amasino ny lelako, Tompo. Avelao aho hahatsapa ny fandalovan'ireo Anjely, tahaka an'i Isaia rehefa hoy izy hoe, 'Maloto molotra aho. Lozako!'" Ary tonga ilay Anjely, naka an'ireo tandra, ary nandeha teo amin'ny alitara ka naka an'ireo arin'Afo, ary nametraka an'izany teo amin'ny molony ka nanamasina azy. Andriamanitra, amasino ny mpiresaka rehetra, izao maraina izao, izay miresaka ratsy sy mamafy fisaraham-bazana. Ekeo izany, Tompo.

¹⁶⁵ Ireo aretina rehetra izay miondrika eto amin'ity tranobe ity, ireo olona marary, no mahafantatra fa izy ireo dia devoly, ihany koa. Andriamanitra, amin'ny maha-Mpanomponao, dia miteny mafy azy ireo aho, amin'ny Anaran'i Jesosy. Enga anie izy ireo hivoaka amin'ny olona marary rehetra. Ary eng a nie ny olona maloto rehetra, izay manana eritreritra maloto, ratsy, mitsiriritra, ireo lehilahy sy vehivavy, mitovy, Andriamanitra, esory ao amin'izy ireo izany. Ireo rehetra eto izay miezaka ny hiala amin'ny sigara, sy fiaraha-misotro kely, sy fety kely, ary ireo zavatra tia tena; Andriamanitra, ampiantano amin'ny Fanahy Masina ny fon'izy ireo mba hahatonga an'ireo zavatra ireo tsy hanana faniriana intsony. Tsy hanana toerana izany; tena feno ny Fanahy Masina ianareo, manomboka eo.

¹⁶⁶ Andriamanitra, ataovy roimemy mirehitra ity fiangonana kely ity. Ataovy ho toeran'ny Fanahy Masina izy, ataovy ho Afo mirehitra izy, mba hahafahan'izao tontolo izao hitodika hahita ny voninahitr'Andriamanitra. Andriamanitra, manomboha amin'ity olona eran'ny tana kely ity, roanjato no eto izao maraina izao. Ekeo izany, Tompo.

¹⁶⁷ Diovy ny fo rehetra, ny Metodista rehetra, ny Batista rehetra, ny Katolika rehetra, ny Presbyterana rehetra, ny Pentekotista rehetra. Tompo, esory ao amin'ny fon'izy ireo izany, ka aoka hanatona Anao izy ireo androany. Ekeo izany, Ray. Atolotro Anao izy ireo, ary apetrako Aminao izy ireo, amin'ny Anaran'i Jesosy Kristy, ho fanadiovana ny fanahiny sy ny fanasitranana ny vatany. Amena.

¹⁶⁸ Manontany aho, eto amin'ny alitara, navelanareo ve ny entanareo? Tsapanareo ve fa mipetraka eo izany? Raha tsapanareo fa mipetraka eo izany, dia ianareo no mpitsara. Ianareo ilay hany nivavaka. Izaho nanao ny toriteny. Ianareo

no nanao ny fivavahana. Tavela eo ve ny entanareo, rahalahy, ranabavy? Afaka mamela azy tokoa eo ve ianareo? Raha afaka ianareo, dia atsangano ny tãnanareo, manaova hoe, “Eny, Andriamanitra, ankehitriny dia avelako eto izany. Ny fihafahafako, havelako eto amin’ny alitara eto izany.” Ahoana ny amin’izany, ny eto amin’ny faran’ny alitara eto, eto amin’ny ankavanako, ramatoa? Afaka mamela an’izany eo ve ianao? Afaka mamela an’io entanao ratsy io eo ve ianao? Manaova hoe, “Eny, ny finoako miandrindra Anao, Ianao Zanak’ondrin’ny Kalvary.” Raha miaraka mihira an’izany isika rehetra ankehitriny.

Ny finoako miandrindra Anao,
 Ianao ry Zanak’ondrin’ny Kalvary,
 O Mpamonjy Masina;
 Ankehitriny henoy aho raha mivavaka,
 Esory ny heloko rehetra,
 O avelao aho manomboka amin’ity andro ity
 Ho Anao manontolo!

¹⁶⁹ Ndao isika hitsangana, tena manaja, ny tsirairay. Ankehitriny henoy tsara, ny rehetra ankehitriny. Aza misy mandeha na ny anankiray aza. Izao fotsiny... Mbola tsy nifarana ny fotoana. Tiako ianareo hanana an’ity fahamasinana kely ity, fanajana kely.

Raha mamindra ao amin’ny làla-maizin’ny
 fiainana aho,
 Ka miangona manodidina ahy ireo fahoriana,
 Aoka Ianao no ho Mpitari-dàlako;
 Didio ny aizina hivadika ho andro,
 Fafao ireo ranomason’alahelo,
 Ka avelao aho manomboka amin’ity andro ity
 Ho Anao manontolo!

Aza mihira an’izany amin’ny mpiara-monina aminareo ankehitriny. Akimpio ny masonareo, ary ndao isika hihira an’izany moramora, raha manangana ny tãnantsika amin’Andriamanitra isika.

Raha mamindra ao amin’ny làla-maizin’ny
 fiainana aho,
 Ka miangona manodidina ahy ireo fahoriana,
 Aoka Ianao no ho Mpitari-dàlako;
 Didio ny aizina hivadika ho andro,
 Fafao ireo ranomason’alahelo,
 Ka aza mamela ahy mihitsy ho very
 Lavitra Anao.

Manana Ray aho any lavitra any,
 Manana Ray aho any lavitra any,
 Manana Ray aho any lavitra any,
 Any amin’ily morona hafa.

Oh, amin'ny andro mamiratra iray dia
handeha aho ka hahita Azy,
Amin'ny andro mamiratra iray dia handeha
aho ka hahita Azy,
Amin'ny andro mamiratra iray dia handeha
aho ka hahita Azy,
Any amin'ilay morona hafa.

Oh, mety ho rahampitso io andro mamiratra
io,
Mety ho rahampitso io andro mamiratra io,
Mety ho rahampitso io andro mamiratra io,
Any amin'ilay morona hafa.

¹⁷⁰ Manontany aho ankehitriny, firy no manana ray any amin'ilay Tany hafa? Aoka ho hita ny tanaanareo. Firy no manana reny any amin'ilay Tany hafa? Aoka ho hita ny tanaanareo. Firy no manana Mpamonjy any amin'ilay Tany hafa? Aoka ho hita ny tanaanareo.

Tsy ho fivoriana sambatra iray ve izany!
Tsy ho fivoriana sambatra iray ve izany!
Tsy ho fivoriana sambatra iray ve izany!
Any amin'ilay hafa . . .

¹⁷¹ Tiako hanao zavatra iray ianareo. Ankehitriny raha mihira an'izany indray isika, dia tiako ianareo handray ny tanaan'ny olona izay mitsangana eo akaikinareo, ka hanao hoe, "Rahalahy, ranabavy, mivavaha ho ahy, mba hihaonako aminao ao amin'ilay Tany hafa." Aza atao ilay izy raha tsy mihevitra an'izany ianareo. Firy no te-hihaona amin'ny anankiray hafa? Firy no te-hihaona amin'ny rehetra ato, Any? Isika, azo antoka fa tia isika. Ankehitriny ndao isika handray ny tanaan'ny hafa, ka hanao hoe, "Te-hihaona aminao aho, rahalahy. Te-hihaona aminao aho any amin'ilay ilany hafa." Ankehitriny raha mihira an'ity isika, "Manana Mpamonjy aho any lavitra any." Eny àry.

Manana Mpamonjy aho any lavitra any,
Manana Mpamonjy aho any lavitra any,
Manana Mpamonjy aho any lavitra any,
Any amin'ilay morona hafa.

Oh, amin'ny andro mamiratra iray dia
handeha aho ka hahita Azy,
Amin'ny andro mamiratra iray dia handeha
aho ka hahita Azy,
Amin'ny andro mamiratra iray dia handeha
aho ka hahita Azy,
Any amin'ilay morona hafa.

¹⁷² Tsy manao anareo hahatsapa ho tsara sy mahafinaritra ve izany? "Jesosy, hazòny aho ho eo akaikin'ny hazo fijaliana."

Jesosy, hazòny aho ho eo akaiky . . .
 Eo no misy loharano sarobidy iray,
 Malalaka ho an'ny rehetra,
 reniranom-panasitranana,
 Izay mikoriana avy ao Kalvary amin'ilay
 renir- . . .

Ny rehetra atsangano ny tànanareo ankehitriny.

Ao amin'ny hazo fijaliana, ao amin'ny hazo
 fijaliana,
 No aoka ho voninahitro mandrakariva;
 Mandra-pahitan'ny fanahiko ampakarina
 Ny fitsaharana any ankoatr'ilay renirano.

Ao amin'ny hazo fijaliana, ao amin'ny hazo
 fijaliana,
 No aoka ho voninahitro mandrakariva;
 Mandra-pahitan'ny fanahiko ampakarina
 Ny fitsaharana any ankoatr'ilay renirano.

Tiako Izy, tiako Izy
 Satria nitia ahy taloha Izy
 Ka nivity ny famonjeko
 Teo Kalvary.

Deraina Andriamanitra!

¹⁷³ Ndao isika hanondrika am-pahanginana fotsiny ny lohantsika ankehitriny. Ary ao amin'ny fombantsika maha-te-ho tia, dia ndao isika hidera Azy fotsiny miaraka amin'ny tàmantsika mitsangana, manao hoe, "Misaotra Anao, Tompo, noho ny famonjena ny fanahiko. Misaotra Anao, Tompo, noho ny nanasitranana ahy. Misaotra Anao, Tompo, noho ny rehetra izay Nataonao, nitondra fanafahana mamy, nitondra famonjena malalaka. Misaotra Anao, Tompo." Omenay Anao ity fanati-pisaorana ity. Midera Anao izahay satria tena maha-te-ho tia Ianao. Ianao no Lisin'ny Lohasaha, ny Kintan'ny Maraina, ny Raozin'ny Sarena, ny Rehetra-amin'ny-Rehetra. Ianao no Ray, ny Zanaka, ny Fanahy Masina; Izay efa Izy, Izay Izy, ary Ho Avy; ilay Alfa lehibe, Omega. Ianao no ilay Anankiray Mahagaga, ny Andrian'ny Fiadanana, ny Fototra sy Solofon'i Davida. Ianao no Rehetra! Ary misaotra Anao izahay, Tompo, noho ny rehetra izay Nataonao. Misaotra Anao izahay noho Ny Teninao, satria Izany no Fahazavana eo amin'ny lalanay. Oh, mivavaka izahay, Tompo, mba Hamelanao anay handeha ao amin'ny Fahazavana. Ekeo izany, Ray. Amin'ny Anaran'i Jesosy Kristy. Amena.

Eny àry. Raha hipetraka iray minitra isika. "Handeha ao amin'ilay Fahazavana isika."

Handeha ao amin'ilay Fahazavana isika, tena
 Fahazavana mahafinaritra iray,
 Tonga eo amin'izay amirapiratan'ireo
 andon'ny famindrampo;
 Mamiratra manodidina antsika, andro
 aman'alina,
 Jesosy, ilay Fahazavan'ny . . .

174 Avia, ry masina, ndao isika hihira an'izany ankehitriny!

Handeha ao amin'ilay Fahazavana isika
 (fahadiovana, fahamasinana), Fahazavana
 mahafinaritra,
 Tonga eo amin'izay amirapiratan'ireo
 andon'ny famindrampo;
 Mamiratra manodidina antsika, andro
 aman'alina,
 Jesosy, ilay Fahazavan'izao tontolo izao.

Avia, ekeo Izy ho Mpanjakanareo,
 Jesosy, ilay Fahazavan'izao tontolo izao;
 Amin'izay fotoana izay dia haneno ireo
 lakolosin'ny Lanitra,
 Jesosy, ilay Fahazavan'izao tontolo izao.

Ny tsirairay!

Handeha ao amin'ilay Fahazavana
 isika (Hazavana iray ho an'ny làlako),
 Fahazavana mahafinaritra,
 Tonga eo amin'izay amirapiratan'ireo
 andon'ny famindrampo;
 Mamiratra manodidina antsika, andro
 aman'alina,
 Jesosy, ilay Fahazavan'izao tontolo izao.

175 Tsy manao anareo hahatsapa ho tsara ve izany? Firy no mahatsapa ho tsara? Atsangano fotsiny ny tãnanareo ankehitriny, manaova hoe, "Mahatsapa ho tena tsara aho." Ny Fanahy Masina no nikosoka anareo manontolo. Amin'izay fotoana izay isika dia (inona?) handeha ao amin'ny Fahazavana. Aza mihaino mihitsy. . . Inona ny Fahazavana? "Ny Teninao dia Fanilo iray." Noho izany àry:

Handeha ao amin'ny Fahazavana isika,
 Fahazavana mahafinaritra izany,
 Izany dia tonga eo amin'izay
 amirapiratan'ireo andon'ny famindrampo;
 Mamiratra manodidina antsika, andro
 aman'alina,
 Jesosy, ilay Fahazavan'ny . . .

176 Ankehitriny, tsy mahafinaritra ve izany? Toy ny hoe tsy afaka hamarana fotsiny isika. Mamikitra antsika fotsiny ny

Fanahy Masina! Tsy mahatsapa tahaka an'izany ve ianareo? Mahatsapa fotsiny toy ny hoe tsy afaka mamarana aho. Toy ny hoe tsy afaka fotsiny.

Ny Filazantsara dia mitete rà,
Ny ràn'ireo mpianatra izay maty ho an'ny
Fahamarinana,
Ity Filazantsaran'ny Fanahy Masina ity dia
mitete rà.

Ny maty voalohany ho an'ity planin'ny
Fanahy Masina ity,
Dia Jaona Mpanao-batisa, saingy maty toy ny
lehilahy iray izy;
Avy eo dia tonga ny Tompo Jesosy,
nohomboan'izy ireo Izy,
Nitory Izy fa ny Fanahy no hamonjy ny olona
amin'ny ota.

Teo i Petera sy Paoly, ary Jaona ilay masina,
Nanolotra ny ainy izy ireo mba hahafahan'ity
Filazantsara ity hamirapiratra;
Nafangaron'izy ireo ny ràny, tahaka an'ireo
mpaminany fahiny,
Mba hahafahan'ilay Tenin'Andriamanitra
tena izy ho voalaza marina.

Avy eo dia notorahan'izy ireo vato i Stefana,
nitory nanohitra ny ota izy,
Nampahasosotra azy ireo loatra izy,
nohosihosen'izy ireo ny lohany;
Saingy maty tao amin'ny Fanahy izy,
natolony ny fanahy,
Dia nandeha nikambana tamin'ireo hafa, ilay
mofa mamelon'aina.

Mitohy mitete rà Izany, eny, mitete rà Izany,
Ity Filazantsaran'ny Fanahy Masina ity dia
mitete rà,
Ny ràn'ireo mpianatra izay maty ho an'ny
Fahamarinana,
Ity Filazantsaran'ny Fanahy Masina ity dia
mitohy mitete rà.

Henoy!

Misy ireo fanahy eo ambanin'ny alitara,
miantso izy ireo hoe, "Rahoviana?"
No hanasazian'ny Tompo an'ireo izay nanao
ratsy;
Fa mbola hisy maro ireo izay hanome ny
ràn'ny ainy
Ho an'ity Filazantsaran'ny Fanahy Masina ity
miaraka amin'ny Fikorinany mena.

Mitohy mitete rà fotsiny, haleloia, mitete rà
Izany,

Te-ho isan'izy ireo aho.

Filazantsaran'ny Fanahy Masina, mitete rà
Izany,

Ny rà'n'ireo mpianatra izay maty ho an'ny
Fahamarinana,

Ity Filazantsaran'ny Fanahy Masina ity dia
mitete rà.

¹⁷⁷ Te-handeha avy eto amin'ny polipitra mihitsy aho. Amena. Oh, mahafinaritra toy ny ahoana! Nanolotra ny rà'n'ny ainy ireo rahalahiko. Mbola hisy maro no hanao an'ilay zavatra iray ihany. Aza manahy. Ho tonga eo amin'ny fampisehoan-kery tsy ho ela izany. Na ianareo hiditra na hivoaka. Eo am-pikambanana amin'ilay Fivoriamben'ny Fiangonana izy rehetra ankehitriny, ary miditra ao ny rehetra. Mitambatra miaraka ao izy rehetra.

Ary mbola hisy maro ireo izay hanome ny
rà'n'ny ainy,

Ho an'ity Filazantsaran'ny Fanahy Masina ity
sy ny Fikorinany manadio.

Mitete rà Izany, eny, mitete rà Izany, (Oh,
haleloia!)

Ity Filazantsaran'ny Fanahy Masina ity dia
mitete rà,

Ny rà'n'ireo mpianatra izay maty ho an'ny
Fahamarinana,

Ity Filazantsaran'ny Fanahy Masina ity,
mitete rà Izany.

¹⁷⁸ Oadray! Toy ny tsapako fa eo ambonin'ny fiangonana mihitsy ny Fampakarana. Oh, manao ahy hahatsapa ho tena tsara mihitsy! Ny ota rehetra dia eo ambanin'ilay Rà. Hitanareo, tia ny Teny ny Fanahy Masina. Ny Teny no iveloman'ny Fanahy Masina, hitanareo. Oh, oadray! Midina Izy ka tonga eo anivon'ny olona, manadio ny otany, manala ny aretiny, manala ny fahasorenany. Ankehitriny dia mamamo aho, mamamo mihitsy arak'izay maha-izy ahy, mamon'ny Fanahy, fitiavana no mibosesika avy ao am-poko. Tsy mampaninona izay efa nataon'ny olona, efa navela izany. Ny fahavalonareo mangidy indrindra, efa nifarana daholo izany. Na iza na iza hany niresaka na nilaza zavatra, raha izaho...eny, izaho... dia lasa avokoa izany, voadio avokoa ankehitriny.

Ary mitete rà Izany, eny, mitete rà Izany,

Ny Filazantsaran'ny Fanahy Masina dia
mitete rà,

Ny rà'n'ireo mpianatra izay maty ho an'ny
Fahamarinana,

Ity Filazantsaran'ny Fanahy Masina ity...

Oh, oadray! Mahafinaritra toy ny ahoana!

Fotoana iray mahafinaritra toy ny inona ho anareo,

Fotoana iray mahafinaritra toy ny inona ho ahy;

Raha isika rehetra no miomana hihaona amin'i Jesosy Mpanjakantsika,

Ho fotoana iray mahafinaritra toy ny inona.

Fotoana mahafinaritra ho anareo,

Fotoana mahafinaritra iray ho ahy;

Raha isika rehetra no miomana hihaona amin'i Jesosy Mpanjakantsika,

Ho fotoana iray mahafinaritra toy ny inona.

Tianareo ve izany? Ny rehetra, avia!

Oh, fotoana mahafinaritra ho anareo,

Fotoana iray mahafinaritra ho ahy;

Raha isika rehetra no miomana hihaona amin'i Jesosy Mpanjakantsika,

Ho fotoana iray mahafinaritra toy ny inona.

¹⁷⁹ Mahatsapa fotsiny aho fa fifohazana iray amin'ny fanao fahiny no ato amin'ny fiangonana. Sa tsy izany? Fanadiovana tranainy fotsiny, fikosehana; fotoana tsara, tranainy mahafinaritra. Tsy mahatsapa ho tsara ve ianareo? Oh!

Ho deraiko Izy, ho deraiko Izy,

Derao ilay Zanak'ondry voavono ho an'ny mpanota.

Ndao isika hihira an'izany ankehitriny, ny rehetra. Fantatrareo ve izany? Fantatro izany. Avia eto; ampionao aho hitarika azy, Rahalahy Neville. Ary ianareo rehetra, miaraka ankehitriny, atsangano fotsiny ny tanantsika, mihira an'izany miaraka amiko ankehitriny, ankehitriny, izao maraina izao.

Derao ilay Zanak'ondry voavono ho an'ny mpanota;

Omeo voninahitra Izy, ianareo olona rehetra,

Fa Ny Ràny no nanasa ny pentipentina tsirairay.

¹⁸⁰ Ankehitriny, ny rehetra, avia!

Ho deraiko Izy, ho deraiko Izy,

Derao ilay Zanak'ondry voavono ho an'ny mpanota;

Omeo voninahitra Izy ianareo olona rehetra,

Fa ny Ràny no nanasa ny pentipentina tsirairay.

Amena. Mahafinaritra ve izany?

Tanànan'ny perla fotsy,
 Manana fonenana iray aho, harpa iray, ary
 satroboninahitra iray;
 Miandry aho ankehitriny, miambina sy
 mivavaka,
 Ho an'ilay Tanàna fotsy izay hitan'i Jaona
 nidina.

¹⁸¹ Amena. Mahafinaritra! Oh! Ankehitriny ndao isika hitsangana, ny rehetra. Manantena aho fa mahatsapa ho tsara ianareo. Tsarovy ireo fotoana rahariva. Ankehitriny dia tiantsika ny mihira an'ilay hirantsika tsara, fampiravana fahiny.

Amin'ny Anaran'i Jesosy no andohalehana,
 Miankohoka eo an-Tongony,
 Ho satrohantsika Mpanjakan'ny mpanjaka
 any An-danitra Izy,
 Rehefa mifarana ny diantsika.

Eny àry. Ny tsirairay ankehitriny, miaraka. Eny àry.


Amin'ny Anaran'i Jesosy no andohalehana,
 Miankohoka eo an-Tongony,
 Ho satrohantsika Mpanjakan'ny mpanjaka
 Any an-danitra Izy,
 Rehefa mifarana ny diantsika.

Anarana sarobidy (Anarana sarobidy), O tena
 mamy! (O tena mamy!)

Fanantenan'ny tany sy fifalian'ny Lanitra;
 Anarana sarobidy (Anarana sarobidy), O tena
 mamy! (O tena mamy!)

Fanantenan'ny tany sy fifalian'ny Lanitra.

¹⁸² Maraina iray mahafinaritra toy ny inona! Fotoana iray mahafinaritra toy ny inona! Ndao isika hanondrika ny lohantsika vetivety fotsiny ankehitriny. Ny tsirairay mijery mahitsy any amin'i Kristy avy hatrany ankehitriny, ilay Mpamonjinareo. Ao amin'ny fanao mangina, dia tiako ianareo hanome Azy ny saotra sy dera. Manaova hoe, "Tompo, tena misaotra Anao aho noho ny nanamasinana ny fanahiko. Tena misaotra Anao aho noho izay rehetra Nataonao ho ahy. Aoka Ny Fanahinao ho eo amiko mandritry ny andro, Tompo. Tariho làlana aho. Tariho aho. Tahio aho." Hanaiky an'izany fitahiana izany ho anareo anie Andriamanitra, izany no fivavako.

Ankehitriny raha manondrika ny lohantsika isika, Rahalahy Neville, ianao no mandrava anay amin'ny tonom-bavaka iray. 

Demonolojia – Lafiny Ara-batana

(Demonology – Physical Realm)

8 Jona, 1953, Alatsinainy tolak'andro
Roberts Park Amplitheater, Connerville, Indiana

Demonolojia – Lafiny Ara-pivavahana

(Demonology – Religious Realm)

9 Jona, 1953, Talata tolak'andro
Roberts Park Amplitheater, Connerville, Indiana

Ireo Fanahy Mamitaka

(Enticing Spirits)

24 Jolay, 1955, Alahady maraina
Branham Tabernacle, Jeffersonville, Indiana

Ireto Hafatr'i Rahalahy William Marrion Branham ireto, izay notoriana tamin'ny Teny Anglisy tany am-piandohany, dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org